



雲養集二

~ 16
2439
1



和
2439
1-8

雲養集

絳雪山館藏

南廷哲籤



南史五篇所撰文章以一
官為一集宋楊億之於文
揚萬里之於詩亦然蓋其
遇境抒情隨處不同即其
紀述而行藏出處之點悲
歡得失之故大畧可悉昔



人以少陵詩為詩史者正
以此也余生三十出蔭途
四十釋褐立朝無奇節處
世多憂患浮沈內外漂泊
湖海杖十年所至輒有筆
墨紀述在內則明光起草

在外則皇華紀程或感憤
而發或無聊而作或紀遊
覽或出醜庭要之無高文
大冊可以鳴國家之盛者
存之無益棄之不忍并投
之塵箱中及晚而還家日

自序
迫崦嵫閉門調病不問人
戈事并牀頭筆硯拋却已
久矣每曉枕無寐歷較平
生志舊屈指無幾回首前
峯杳如隔生獨塵箱中拉
雜物可每語舊耳乃收拾

亂稿手自校勘刪其大半
仿古人今集之志詩則分
段為集文則繫之以年編
為十有六卷時一披閱恍
然如重履其境復觀其人
亦足慰暮年離索之懷其

工拙不須問也編摩既成
將讎梨棗或曰以固不朽
何小渴蓄文作家之文而
弁泐卷首乎余曰序者所以
敘多事也古之詩序書
序皆發明作者之意而已

不然則你在自述其著作
之由若司馬遷揚雄之自
序是也若為人作序自皇
甫謚如謚序左思三都賦
而見重於時自是為文者
必求序於人大率皆贊美

之辭不足見重今始得其
 贊美之者乎將使我顏
 慙而心不寧矣始得其
 薄之者乎於吾心亦必不
 悅何以竭文為哉癸丑夏
 五日雲養老人序并書

雲養集總目

第一卷詩 一百九十八首

擊磬集

濕游漫吟

昇平館集

松屋雜詠

健齋集

雲嶽飲泉集

第二卷詩 二百七十八首

江北唱和集

北山集

第三卷詩 三百四首

闕宮唱酬集

海西持斧集

續昇平館集

析津于役集

蓉江避暑集

沔陽行吟集

第四卷詩 二百十八首

沔陽行吟集

第五卷詩 二百五十七首

沔陽行吟集

芳村稿

瀛島稿

第六卷詩 三百十三首

東苑稿

還朝後詩稿

東槎漫吟

己庚詩草

詩餘學步

第七卷

賦 五

辭 十

第三卷詩 三百四首

闕宮唱酬集

海西持斧集

續昇平館集

析津于役集

蓉江避暑集

沔陽行吟集

第四卷詩 二百十八首

沔陽行吟集

第五卷詩 二百五十七首

沔陽行吟集

芳村稿

瀛島稿

第六卷詩 三百十三首

東苑稿

還朝後詩稿

東槎漫吟

己庚詩草

詩餘學步

第七卷

賦 五

辭 十

策一

傳五

論二

議一

第八卷

議一

說十三

第九卷

疏十

狀啓二

召對三附所懷及陳勉新年祝語

告布二

公函九

御製代撰

附記

序一冊文三國書二詔一綸音布諭六教令一誌文
一致祭文十疏批一啓文一書翰一園誌銘一誌文

第十卷

序四十五

第十一卷

序十一

記三十九

第十二卷

跋五

箴二

銘二十五 附南極篇二則 古梅頌一首

箋文三

書牘三十五

第十三卷

書牘十九

書後二十二

墓誌 墓碣 神道碑銘 并六

第十四卷

行狀 家狀 行錄 并六

謚狀一

遺事八

祭文十八

第十五卷

追悼文二

哀辭三

告由文三

雜著四 保任 庸言下 天津奉使緣起

第十六卷

雜著一 八家涉筆下

雜文十四首

雲養集第一卷篇數

詩

擊磬集 七十二

濕游漫吟 三十八

昇平館集 三十八

松屋雜詠 十六

健齋集 二十七

雲嶽飲泉集 七

第二卷篇數

詩

江北唱和集 五十一

迅風逐霏雪霽色生暮洞空庭鹿行走荒林鳥未啜穿徑相問訊煖
斟因下甕光陰如驚羸馳謝何恁惚郊高雲物變奄當堯奠頁餅餌
行白玉釜筮相餽送道逢紛歡祝昨夢魚維衆刻絲毳雙鳶乘風戾
天瓶袒跣呼五白一擲滿堂哄客臘遊京國奔走竟惚惘百貨歲暮
騰魚喧米亦闕康莊無緩步肩輿並飛鞚峽俗喜恬靜歸卧醒塵夢
清夜掩重闌沈抱向誰控翹首詠招隱披衣訪襄仲輕烟棲高樹素
月流層棟偏憐萼綠仙蚌胎嬌初弄碧瓷酌松釀長鯨一吸痛况奉
南國英登筵吐繡鳳仰酬金玉章鋪筵呵毫凍何如索居夜悄悄擁
爐烘但勤絳袍戀不愁簞瓢空

螢火贈金孝廉

商協

山家夜無燭靜坐守空幃丹鳥出林莽相隨度荆扉初疑簷月漏漸

看曉星稀慰我昏黑裏明滅倚欄飛瞻前忽在後高舉似見幾螢生
腐草間耿耿抱光輝士生蓬華門卓犖懷珠璣同為人棄擲顛倒秋
雨霏何不近太陽占得末光依

歸鶯五首

養得新雛羽翼成呢喃教語更分明中間也有千般苦道盡當時乳
哺情

文杏雕梁翡翠幃三春來向玉人依主家不是莊姜恨底意斜陽欲
大歸

千言萬語送芳菲老大都隨鶯忘機霜重簾帷悄悄坐風淒毛羽低
低飛

來時了了但雙隨歸路盈盈有四兒共說阿家門戶大烏冠皂帶儼

成儀

蹴花掠水似前生一葉庭梧夢已驚
蟋蟀不知儂意緒終宵聒耳入
牀鳴

乙卯七月既望汎舟牛渚作

浦人埋權金素節大火西流猶苦熱
江口日落江中煖白魚入舟躍
如雪牛渚水駛灘聲轉簾舫駕濤疾
於箭蕩槩窳窳蘆葦響水禽磔
磔遶水面艇頭人影忽縹緲仰看
玉盤掛紅蓼美人新成七寶章笑
捲呆愚出窈窕頰頰試作玉川拜
頰乞藥臼吸汎瀼球身滄海那可
追美人不顧增愁殺開懷暢飲浪
婆酒劈箋磨墨恣揮灑一嘯欲裂
蒼崖巔遠浦風起水生烟始識坡
翁真適意不因簫聲却恹然

中秋夜汎舟

小艇衝波艤晚沙鍾聲遠自梵王家
綠楊岸落三篙水紅蓼洲連十里
花取月梯雲徒夢想炊杭繪鱖足
生涯此江便與塵寰隔休種桃
源萬樹霞

五月晦上彌智山飲藥泉七月歸家

決月遊初地歸筇伴錫飛偶尋靈液
去非欲世情違簷端蟬響發篋
裏蠹篇稀纔脫空門戒酒痕上頰
微

明月庵

陳檜凌雲翠十尋香臺烟散石幢森
入簷斜月雜宮樣懸谷飛湍奏
徵音蓮社誰能聽酒戒琴娥端的
悟禪心曉來一點慈燈碧獨透松
間暎素襟

寒食出斗峽次石莊

族人基斗韻

倚天羣峭喚愁生江上無烟澹客情一鳥閒鳴春晝永數峯中缺夕
 陽明疑花未辨巖間雪穿峽遙看日下城得句空尋飛鷺處輸君三
 百罰籌橫

和徐綱堂

應淳

驢背奚囊太瘦生一聲杜宇喚歸情綱堂經歲滯京丁暮春始歸利川蓬峯入戶春
 心靜佳月分身水國明塵榻未逢徐孺子練江忽憶謝宣城從今可
 遂名山願近將願女云故用楊伯雍娶徐氏女事標橋茅屋草玄生尺素憑流遠寄情千緒渾忘稱太上一華不發惜
 清明長洲夢識江南路芳草春深漢北城曾有北漢之約墻下數株楊柳樹
 東風日日向君橫

獨坐書懷

去年冬余與徐吳兩兄屢月追遊且訂來春聯鑣見訪三
 月得書春春不改前約竊欣然以待久竟不來花事向闌

悵然有作

端居倦長春子于謝雕飾時尋澗草香忘險得前陟忽聞黃鸝鳴幽
 期認在即幽期未可誤良辰未易得小少生江干能知候風色坐見
 歸帆疾寥寥到日旻墻東薔薇樹亦待人扶植孤居我何堪焉知此
 情極時復下葦箔開函閱華墨君子重義氣寧為二三德會知俗事
 牽征車日南北珍重鹿豕戒豁然開榛塞勤拭冰壺塵不須恒惻惻

暮秋與石莊李蘭石

建容共賦

溪橋衰柳不堪鞭相對秋懷黯暮天病樹風高能作兩方塘曉冷自
 生烟松為碧玉談玄塵菊送黃金買酒錢那得陳家投轄手終宵抵

榻話清圓

一歲依如隔一塵霜鴻歸鶯語前春小溪經雨浮松子荒畝耕雲種
麥人山靜時隨漂響動茶濃分得墨香新李君知是山房主緝帙牙
籤定不貧

滿眼空花一洗開君詩如露瀉蕉盃斷橋涼水鳧翁沒古木清霜鴈
塔來香國蕭條誰拔萃硯田荒穢半生苔空山盡日秋聲裏獨有樵
青採椽回

生來守拙做鳩居文酒琴棋摠不如古木荒山悲楚賦晴窗朝日曬
唐書鵲啼繞樹知何喜鶯立窺池不是疎莫笑陳平貧好讀門前猶
有故人車

露涼林雀聚風起渚鴻冥雲影松間白山光案上青愧君嘲飯顆為

我寫蘭亭歲暮淮南葉無人落滿庭

贈別蘭石

水清蘭石委俞于東隣族人家門接一蹊微幾日來敲白板扉宛轉明眸秋水剪
淋漓寶墨夏雲飛一枝碧李璿風近八月蒼葭玉露稀自是馬卿同
郡住他年賞賦意無違

既望汎舟詩集

載得晴光不繫舟飛觴揮塵盡名流吟帆時到看雲渚漁戶偏多近
水樓入夜鳴灘常作雨倚風老樹獨知秋歸來忽覺蕉衫重珠露闌
珊上草頭

伯從氏號學海

芳洲料理木蘭舟練帶亭前碧玉流見月幾時兼有客傍山無處不
宜樓魚遊共賞濠梁夕鱸膾空憐洛裏秋內翰清標如可想綽髯笑

罵坐螭頭

仲從氏號晦隱

十里漣漪暮放舟長公昔日擅風流山如名士光臨座月似佳人懶
上樓數戶暗燈楊柳港一天澄露藕花秋此江不減西湖樂移就丹
廚倩虎頭

叔從氏號心研

欲棹娥池觸月舟凌波遠涉絳河流真仙共逐青毛第才子應多白
玉樓料得三清同此夜眼看一葉又新秋坡翁謾說消長理春夢爭
禁雪滿頭

叔從氏號醉石

選日招邀坐小舟劇譚哄笑在中流沙灣漲落多磯石柳杪烟銷見
酒樓月影纔過三五夜簫聲更接一千秋漁家自有滄浪曲不學詩
人水調頭

時余自號蘇川

鏡中渾曲穩行舟卧看星河淡不流岸樹迷茫疑列障江天快濶似

登樓韓尋孟覓知良夜山趣村情已早秋會見雲封能摩笛晴波無
數出魚頭

從弟號海石

軟沙如雪繞孤舟汲取茶泉第一流拖袖烟嵐靈壁石滿江星月武
昌樓山腰水曲曾勞夢蓼穗菱叢別有秋溪樹不知隣寺近猛聽鐘
響落雲頭

從侄裕行

漾楫空潭挹太虛岸邊叢葦是鷗居水心涼似鑑湖曲酒罰巖於金
谷虛雅集良宵宜詠史高懸明月好看書湖洄若有懷人緒時聽蘆
中響釣車

學海

雲水徘徊一色虛碧蘆滿地丈人居閒看老石頻移榻剩借清江欲
結廬阮籍求官端為酒社公賣土却添書後遊更問臨臯鶴留待楓
汀暎小車

晦隱

清規萬里影涵虛涼簟疎簾畫舫居夜氣心醒灘上石秋風病起水
南廬數莖碧藕斟新釀一軸紅籤載古書勝事煩君須更卜蒼苔門
巷繫巾車

心研

鈔潭暮色境空虛隱約疎林伴釣居秋水正高迷鴈渚野航稍適勝
燭廬風流蘊藉桓君笛虹月玲瓏米氏書醉後真成相枕睡不關紅
日報霞車

醉石

文酒蕭歌摠覺虛今筵非復古人居有時明月來沱界幾箇英雄過
遠廬鷗鷺夢酣千頃浪蠹魚志足一牀書眼前過景須行樂莫向吳
儂問笠車

蘇川

空碧悠悠境返虛一生滋味在江居汀洲細草通幽徑籬落垂楊補
破廬滄蕩人歸初見月賦香酒熟足澆書相逢盡是烟波叟無箇蓬

門長者車

海石

飄飄一葉任凌虛纔見江居又野居十里浮家來蒼雪七分真面識
匡廬銀觴汎月波心畫玉笛成虹壁面書蘇子達觀何處在蓮臺九
品轉如車

裕行

與斗陵諸友同舟發荳浦共賦

水氣微涼早送秋連宵風雨滯歸舟頻聞兩岸鍾聲發僅辨長洲荳
點浮獻賦他年同蜀郡離鄉幾歲憶眉州余家舊居荳浦吾生慣與
沙鷗狎輕舫曾無宦海愁荳浦東有狎鷗亭前人詩
有宦海前頭可狎鷗之句

大雨終日江漲不得行舟晚泊蘆島夜宿舟中

雨脚侵篷小漏天候風孤島夜如年舟高翻漲三篙水村近橫斜一
匹烟遐舉空煩雲鶴想暫留猶識雪鴻緣支離苦海應如此覺後何

時到岸邊

歸家後賦呈同舟諸賢丁李權三君

令威還柱倘無虧元禮同舟更有期太白星精為相勞載之幾作合

離詩

秋日遣興步董文煥秋懷詩韻

文煥清人官翰林檢討號研秋有秋懷詩八首一時名士

皆和之

漫漫秋夜遠瀏瀏秋歌長天地漸幽閑奈此孤燈光霜颯振晚壑百卉失故常顛顛庭前菊開花度重陽

春雨細無聲秋雨苦滴滴不滋園中芳但見苔點碧願子秉質素勿復事綠碧孤調儘難諧有如八音石

大化本無力功禍安足數遺肉與湯沃定非螻蟻故上帝不作聰哀

蛩徒自訴至人常坦坦千載卓所樹

采山復釣水於世果何求身微不羈物而寡恩與讐時復掩闌坐攢眉懷百憂家人問何故答云性悲秋

羸焱掃王迹大道日險巇世無昏衢燭愈滋歧路疑墻闕空受侮鬼魅瞰堂基坐看懷襄水成平定何時

秋雲易飄散巖壑朝暮非每有良朋友面好心更違朋友廁五敦此道知者希青萍許肝膽敢惜寸軀微

辛苦理荒畝收穫在人後貧薄達天時頗領亦云久生無濟世才長與草木朽握粟詢靈詹前期定知否

荷樵金峯側流憇碧澗陰清商發林籟淒切助高吟遙知悲秋客萬里亦同心明明何時輟月華無古今

嚮齋先生批曰韋柳門庭中來又似昌黎秋懷諸篇又曰選體效之而無物則徒委弱而已今乃感激如此當為選體之佳者是故曰言有物

歸川紀俗詩二十首

斗陵丁小耘作斗陵紀俗截句二十首首首可入風騷示

余索和余曰吾兩人所居隔一帶水耳杜曲斗陵或借稱杜曲韋

曲風土無別苕溪歸川浣稱牛川或稱蘇溪或轉稱苕溪雲溪俗尚宜同

江居勝賞瓊什盡之農桑粟余其為補

林外行歌月正圓拔河戲罷野燒延元夜挽索即唐俗拔河戲也野燒即唐俗山燈古事老農

醉卧聰明酒笑指峯頭說有年鄉俗元宵飲酒謂之聰明酒謂老人耳復聽也又元夕月出以上中下三

峯險一年之豐歉 右上元占豐

米芹西澗不盈檐烏嘴香芽入指尖阿妹應知新嫁苦粹椒爭似舅

家巖鄉俗有米芹嶽下二句即其歌中之辭右春日女子采青行歌

牛山春雨斧斤餘編作疎籬鹿眼如牛山距歸川二十里村民採楸地也猶有半畦栽

種地三分玉秫七分蔬 右春日民家編籬

穠粳樓斗度前阡數口生涯賃石田整頓溝塍趨事急辛勤庶得主

家憐此鄉地貴民貧賃田而治少情則主人奪以與他人右春日村民賃田下種

泝泝歸來午饁催濕薪吹火不成灰自從嫁作田家婦瘦着圍腰減

舊裁近村漁戶女子初嫁好嫁此村便憊悴以田作之苦也右村婦田饁

暖雲如粉水平鋪山馬當白勸玉壺麥候差遲春窘迫韋蘇州詩直以春窘迫

得鋤不時小鑿煮熟野茨菰 右春末田家有菜色

盤堆萬筍菜包新輸振明宮詞青精飯作包兒戲註四月以萬筍菜裹飯曰包兒戲飯今京師俗名打菜包云今東俗

亦有萬世
粟飯之事
榆葉蒸糕
浴佛辰
四月八日
為浴佛日
東俗于是日
懸燈
頰壯麗而
落如晨星
而已
扶起小竿
籬落外
頻呼瓷院
賣燈人

右四月八日村家懸燈

黃雲割盡稻青青
百指揮鋤着力輕
里舍無人畫
泚寂午鷄飛上屋
頭鳴

右夏半耨卦

甲子濛濛雨脚迷
烏橋一夜與山齊
朝野食載誇曰
夏乘艇入市
登高共祝波

右夏日江漲淹村舍

濤穩瘠壤從今變
淤泥
韓家菸草味珍
奢人比東陵
邵氏瓜足陌
青蚨輸一廣
膏田無復種
桑麻

右韓氏家菸田

五月支離七月忙
掛鋤閒卧柳陰涼
田家諺五月
遶七月忙
又山邊
日暮牛蹄亂烟
雨蕭蕭一笛長

右初秋耘畢

明月庵前月影紛
中元士女供蘭盆
阿潘弟子唵音妙
誦咒濃淡拜
世尊

右中元夜庵尼修佛事

野色青黃鳥雀多
教兒去看上坪禾
驅之不去兒心苦
盡日啼號奈
爾何

右秋田驅雀

葉餉松醪八月中
稻鄉佳節喜成功
家家設祭晨燈碧
俗禮還羞上
墓風

八月十五日為秋夕節田家最重之餅餅粟果以祭其先葉餉即其節食也國俗寒食秋夕皆有墓祭非古也鄉民各祭於其

亦上塚修掃而已柳亦偶合於古制歟
右秋夕祭先

陌上棉田淨夕暉
秋來摘盡見花稀
時看遺絮臨風吐
收入南隣寡
婦機

右寡婦拾絮

白雲養裏採薪回
陸龜蒙詩生自
蒼崖遙能諸
白江冷秋濃
買帆催
直到肩頰樵指
禿當年恰受得
錢來
村民春賞米
錢於柴商及
秋刈

餘柴受直
名得錢

右秋冬之交刈柴輸船

村家禮俗雜澆淳鈔寫儀文共四隣每值祥暮來助祭傻傻工祝解

書人村家以國語鈔我祭及昏儀每有事隣里借用之又延能解語
字者使之讀祝雖讀者亦不省為何語又村民大小祥一里無

老幼皆會之祭畢以次
人巾主人具酒食以饋 右村家祥祭

幼相戲狎長相親修稷同堂意氣新非為假兒聲勢藉恤隣自是共

胞仁唐木蘭寺邊帥多養假子以自強多者至數百人此鄉有從父
兄弟稷其父母死收稷錢助葬稷中人皆素冠布帶以送之

右冬月修稷

咿唔冬學鬧前村榾柮爐頭講說煩夜久欲眠喉吻燥雪中咬破冷

糞根雪中咀糞用蘇簡事冬
夜讀書此為第一快味 右東隣冬學

茅簷風雪念兒寒薄暮垂綸斗尾千翁媪解頤稱晚福王祥冰鯉也

登盤 右溪冬往斗尾釣鯉

仲從氏挽章

溫溫金玉姿早負廊廟器譬彼威世鳳暫出為聖瑞官卑蒙 主眷

家貧喜振施浩蕩無涯岸和惠不求枝芳蘭忽焉萎行路亦隕淚

十七通桂籍請暇歸讀書二十登薇垣簪筆注起居廿五為大夫委

蛇步玉除廿八典大郡理樊若櫛梳令譽遍臺省光輝生井閭休沐

還鄉里必下內史車

樂聞朋輩箴務盡庭闈歡婢僕亦欣欣妻孥不咨歎笑語春風發顧

眄意氣閒不作皺眉事人無白眼看未見皆願見既見如金蘭人情

重一見骨肉不復還

紫荊已枯落何日更有春新別尚惜去為我入夢頻握手仍噉塞契

澗訴苦辛謂言勿遽悲我今還為人但為世所棄亦復厭紅塵聞此

還驚喜悅惚疑若真請兄勿復仕共老此江濱聞居養性靈故水奉
昏晨對牀方疊疊形影滅遂巡驚呼山月落感歎發吟呻揮涕望故
山永與松柏隣

哲宗皇帝挽詞

代三從
叔作

十載虛雲迹一篇摸日辭上林柳起後興邸河清時達孝滿宗誣大
公定祧儀冤冤乎不與至德並姚祈

皇天垂眷佑下武 哲王承穆穆臨朝敬穰穰比歲登堯心精一受
商業久勞興哀我民無祿遽遭玉几憑

仲從氏捐館後一年甲子冬四山雪積家仲父忽命駕之水
鍾寺人有問之者輒吟詩以示已意不肯不勝悲懼無以仰
慰敬次原韻以獻之

彭殤殊所賦惟有上玄臨回挽誰能力悲歡謾攻心驟榮朝謝藥弱
植晚成陰物理應如此何須歧路尋

原韻

龍門非我願排悶強登臨覓句窮愁語看山痛哭心寺孤無別路
樹短未成陰此地來何事三清不遠尋

濕遊漫吟

上之十年己未暮春往省堤川鄭姊轉遊四郡與郡中士
友迭相酬唱而遊覽紀勝之作居多濕水從四郡來茲遊
也實沿濕而行故命之曰濕遊漫吟

過瓷院

墻角微風酒幔斜密烟鎖柳暗藏鴉院姬十五當爐坐新買瓷瓶滿

插花

過鳳凰溪

黃公啼罷郭公啼紅雨繽紛滿一蹊春困長程驟背穩瞥然睡到鳳
凰溪
老馬長嘶店戶閑販夫倚說舊時才歇魚千里元山路一月無難兩
度迴

渡木溪津

木溪東望水如藍薄霧鷹峯鏜却尖少婦爭持瓶底粟船頭來買下
江鹽下江姓黃鹽至木溪四郡之人皆牛馱五穀買鹽而去樸嶺樵嶺相屬不絕余行四郡惟鹽最貢
木溪年少太無當頭髻搖搖一尺強口唱新翻歌數闋衆中表出紫
檀囊

自內倉遇雨發行戲賦四禽言

斑鳩逐婦內倉西滑滑庭泥聽竹鷄何事鷓鴣行不得雨中脫袴渡
前溪

抵堤川月林

月林村裏鄭公宅詩禮傳家二百年太白山人歸太白空留荒墓草
芊芊

四檜亭

四檜亭即村氏宅也姊夫名海臣早有文學不幸中年沒逝其大人濟鉉兄弟四人以庭邊四檜自况名其室曰四檜亭今人與樹俱零落有孫三人即余之甥也

滿砌梨花畫掩門寥寥楊子一牀塵可憐四檜亭邊月留照三珠樹
上春

謁姊氏

雲集 卷之一 十一

我生甫二暮長姊遠父母人問姊何之指言從此曠哀風中樹勻
 賦枉偏受泣血遙相望山川空紛糾孤寡意轉索何因叙歡友道遙
 身羸弱思甚反怨厚策駮過檀嶺綠徑穿荒卧聞寂晝戶闌四檜蔭
 庭後上堂拜宛轉驚倒使絨口我衰病不死見汝亦非偶閒坐道故
 舊酸楚欲白首羣甥同承畜踉蹌並跣走癡嬌繞膝行蓬髮面且垢
 爭搜箱中粟慙慙來食舅仰瞻姊顏喜如得備兩手撫背審痾瘵營
 饌問嗜否憐愛諒無極積金至北斗二姊在南北睽離亦云久紫荆
 不同土心事兩背負安得祛空想陪歡列左右願言長相保兒孫貴
 且壽

龍硯歌

宣廟御經筵內難於諸臣獨鄭松江所對甚悉
 喜賜明神宗所賜龍硯一方丙子亂北翁夫人帶硯
 避亂過賊傷龍一角後孫列書益河并磨其一角今藏
 于北翁家舊時願有靈吳之漬及磨角後靈驗頓衰云

斧柯山中一片雲紫色綠紋滑而膩良工雕琢巧如神老龍噴波墨
 兩墜曾侍玉帝香案前雀瓦鳳味失嫵媚張鱗擺領渡湏流 先王
 敬受光帝賜是時臣澈登經筵獨啓天衷演微義戴席專據五十重
 周昭遂看一朝昇敵拜稽首攀之而王后萬年臣鞠痺傷哉孤島觸
 危鋒一角爭似魯殿歸國破家零不獨全泗鼎漢盤義無愧蔡琴雖
 焦發希音朱檻不改旌美事後生安得荐加傷磨痕鏟角比剛剗吐
 咄尚書偏守株好古不解存羊意猶有領珠抱光明超拔尖崗吁可
 異我來擊玩拂古塵腰間御押煥猶記試向响噓霧屑霏八十一鱗
 光潤漬有時雷雨響空山棲鳥落泊愁林魅恐復一夜擘天飛主人
 恩重不敢棄當年不隨軒轅歸至今胡髯墮清淚

永春途中

忽驚腦聒火林明絕壁懸牛盡日耕雖有年年哀痛詔秋來依舊責
租聲

步發途中餞春 永春元氏庄
在步發村

花鬢無賴柳腰低一霎東風漾碧溪鎮日行行無覓處山禽相向盡
情啼

南窟 南窟在邑南石竇穿窟有泉出焉每監司巡部昇小砌
放其中播鼓吹笛山石欲裂源遠不能窮石氣凝如垂

水或曰此
石鍾乳

飛丹靈液走人間仙窟藍橋玉杵寒槎上河源窮不盡一聲鳳笛下
崑山

過永春縣

江上荆籬遍四圍 四郡諺有永春縣
監誇荆籬之語 春城官妓浣麻回衙門直與青

山靜祇有孤梳吠客來

北壁 江上蒼壁周立如幾堂
屏風在永春邑治之北

江心倒壁夕陽明雲母屏開畫意生縱道蓬萊諸藥在風檣不得到
瑤城 壁上多產神草云適值大
風不得乘舟泊於其下

島潭次原韻又賦五古一首

柔櫓縱橫汎曲潭小神山在海中三翼翅雙角如超北磬折中峯可
面南玉珮捐嬪花是雨金蓮奉佛水為庵一樽勸汝春江碧鏡裏相
看白日酣

濕水出五臺急峽走東湍至此匯為潭鴉綠染素紈中有三奇石屹
立何桓桓下視千尺淵艷琬似不安巖巖壯自樹顧藉勢不單中峯
肅清高兩峯如侍歡中峯如大僚兩峯如屬官中峯獨偃蹇首戴切

雲冠鉅牙嚙風波過顙時擊搏兩峯頗突兀容止不失端譬如絳帳
裏李姝來跚跚我聞五神山浮游着地難巨鰲十有五六爲龍伯餐
輿嶠失所之漂轉海漫漫誰能移此島順流歷清灘汎寄牛渚供
我朝夕看主人笑相謂無乃過貪殘君歸山猶在山去空漪瀾

百五田歌

石門架空上通天下有一百五區田丹臺仙子一百五一人一區耕
山巔鏗鉤石鼓齊衆力咸池福習來率職瓊山瑞禾長五尋帝下紫
府頌玉食得嘗一粒恒不饑醜形輕骨顏色怡聞此不覺溪咨咨安
得化爲萬顆壽民丹而令海內黔首人人朝嗽而暮餐人生有樂永
無苦赤子蠢蠢充區宇形全神守無外馳縱有爪牙安所施仙乎我
將乘拘攣願負耒耜受一塵

訪丹陽趙氏庄

趙友性意其大人號
港人以詩鳴于世

明淨茅廬百堵寬羽橋橫澗錦霓蟠經春院落三分暗枕水亭臺四
月寒玉塵談玄逢晉士霜毫浮碧寫仙壇請君早理尋山屐國外渣
渣鵲喜乾

下仙巖

泠泠玉珮下山遲洞裏羣仙謁帝時石室丹書人不識白雲應笑再
來期

隱仙巖

高掩蘿幃白日眠玉浮屠下綠羅川何事蓬壺曾不到謾擁霞衣石
上筵

中仙巖

中巖何品英洞宮深自闢真人黃初平叱羊起白石高掛文玉簾斜
鋪碧瑤席中有黎瓊仙餐花長芳澤貽我胡麻飯編之丹臺籍巍然
欲長往却戀故山宅誼孺仍不發仙子笑啞啞日入叢薄暝石氣凜
絺絡舉手謝雲林重悲嬰形役

上仙巖

一宿禪扉到上清古松流水摠關情紫雲洞裏花千樹時有淮南犬
吠聲

擎天壁

巨掌如砥柱繩河直不偏人間是何世頭上猶古天

舍人巖

赤城山水摠奇絕婉為優妍秀為傑好怪昔日禹舍人獨擅一巖護

高節我來搜奇畧能言此巖不可饒脣舌百丈堯堯千九闌直把瓊
瑛一刀切羣玉之山萬架書僊僊中繩而四徹明堂八窗見大人珠
冕珩珮儼難褻躬信蒲穀羅形庭中有揖讓夔與禹飛堞削危甍覽
堅累糕割正釘短列相君面背各殊形大匠運智不示拙爰躡高頂
試振衣兩腋風襲雲洩洩瓊華之闕光碧堂獸材劔石撐藻椽冉冉
日穀碾雲根萬丈金柱岌欲跌巖下一水如拖籃兩行躑躅綺紋纈
臨水折花為酒籌仰看諷詠至日映此巖晦跡終無時舍人千秋名
不滅水雲亭裏吳侍郎自謂高標守巖穴誰知一朝上青雲空使林
愧泉愴咽

長湖舟中

一疋長湖剪越羅東風過岸麥生波灘頭輕舫閑時少烟外遙峯缺

處多苔綠宛如飛白字漁謠時雜採青歌杜香芳草年年綠一曲筵
簇恨奈何杜香也投先生此水云

龜玉古詩一首

龜玉為清風退漢李先主作半時刻丹邱洞門四字于玉筍峯因屬丹陽云

龜潭之水碧澗漾森森石角聳佛掌空洞如入娜嬛宮千門萬戶漸
開爽日暮百怪喚生愁天吳九首並固象玉筍縹緲來雲間羽蓋青
節降仙杖龍孫駢頭浴清波犢角馘馘抽萬丈孰謂退翁作宰廉不
愛金錢愛勝賞一筆丹邱鎮洞門遂把名區輸其壤清風太守但一

樓

清風有寒碧樓以名勝檀日日憑欄空遐想

綾江洞

綾江洞在清風界有九曲李清風落逸夢中遊此洞後果搜得以為奇逸遂卜居云

江上青山繡佛頭層湍去作九迴流十年未罷天台夢神氣悠悠淡
不收

寒碧樓

溪山罨畫映朱扉漠漠楊花渡水歸道是清風閒太守名樓鎮日簿
書稀

謁鳳岡書院

鳳岡書院我先祖文毅公文貞公秩祖忠簡公三先生祖至之所也以清風為吾貴鄉故建院

于此院前有鳳飛巖

道德承家重三賢萃一門扶倫匡主失倡理識師尊一代元龜去千
秋瑞鳳躡貫鄉同祖豆懷古淚孳孫

鳳飛巖歌

鳳兮鳳兮鳴歸昌挾光耀明下朝陽膺抱仁翼挾義醜然化為千仞
崗院中三夫子生有德業死遺美鳳飛覽輝無其儔長對院門不回
頭何不生時來為瑞空使百鳥鳴啾啾鳳兮德之衰吁嗟予亦何為

義林池

十里陂塘一笠亭短林低樹夕陽汀金鉤引鯽雙垂白水葉抽蓴寸
裏青巖鶯來時花世界洞龍歸處雨神靈山扉半是漁人住隱隱
歌隔水聽等斷池中名產池左有龍秋右有鶯子巖

暎湖亭別同遊諸人

旅遊錢抄春淹留山水鄉四郡賢豪士彬彬文酒場入門便青眼何
異裘與羊歡然去皮毛搜腸播粃糠杖策追羣英遂得窺幽荒撥穴
蹈司馬觀濠酬惠莊赤城神仙窟峯壑盡羽裳舟行恶風雨陸走愁
羊腸日暮投山店抵足斲麪長叫呼棄檢束行者畏猖狂諧謔非為
虐笑罵成文章醉墨紙上烟綺語頰間香駕步素窻劣非比驥調良
溟鵬庇孤鷗逐風與翱翔遊子戀歸急過景騁矚忙義湖深千尺送

我錦繡陽

堤川清風之開山名錦繡

繪鯽啜水蓴酣飲殊未央鱸言踰兼金大雅

何洋洋張張行獨望蒼蔚隔前岡瓌麗並時秀風流篤難忘雖不比
鷓蟹點犀兩自光鎮日楊江屋無人卧松牀撫琴時動操羣山皆鏘

早發月林歸家辭別姊氏

屢日方懽娛出門復悠悠姊兮送我行歷階淚注流別腸如輪轉茫
茫失緒頭誰無姊與妹寧知此日愁

出峽三首

澹蕩嘉興路行人夕不孤青山來遠遠如寫百眉圖
三旬穿峽逕無處不心寒度險履平地疲驟沉宴安
佳辰正婉晚遊子意醜傷峽裏猶春色野田麥已黃

子規詩

余遊四郡以迫於歸程未及見寧越為恨歸到忠州板谷
 店舍夜夢與同遊諸人復遊寧越歷清泠浦登觀風梅竹
 樓舉目慘悽風景不殊若新亭之悲矣沽村酒共飲樓上
 有人誦 御製子規詩於下諸人不勝悲感杖淚相視趙
 甘山性意即漁隱之後也漁隱為世所稱生六臣之一以
 此尤不禁懷遂各賦子規詩一律余詩云且莫東風啼血
 苦幾生修得到君王甘山詩有云爭如隴口能言鳥猶在
 枝頭說上王鸚鵡問上皇安否事見綠雪上六句皆不記
 及省追構余詩以完之甘山詩當俟異日相對使之續和
 也

相思樹老碧天荒

俗傳 莊思 兩陵樹 木相向 意為 精感 所致 又順

未仲既復位枝葉樓上聞鶉拜下牀殘月有心誰訴臆瑞宗御製有

月白天聲尚未青春無伴可還鄉日邊故國迷千里夢裏佳人煥七

章醉琴軒詩有情東佳人夢裏逢之句估畢且莫東風啼血苦幾生

修得到君王

昇平館集

庚申三月余隨仲從氏往留順天任所因得歷觀諸名
 勝九月任滿隨歸昇平即順天古號也

鷺子樓

鷺子樓前草似烟臨清臺下水潺湲北人如問江南樂道是橙黃橘
 綠天

我本山居客障鄉海腥朝暮厭蔬腸晚來燒筍城南舍禪悅新參玉
版香

三月南風麥欲秋已看撥櫂滿西疇忽聞鉦鼓歌聲發恰似眉州遠
景樓

自是武平形勝州青山不盡四圍稠修篁翠橘千村合何處江淮萬
戶侯順天古號一云武平

珠翠筵歌滿一樓孫郎心事定悠悠佳人莫唱春光好他日相逢兩
白頭高麗太守孫德著官妓好好後按部重遊好好好已老有張鑑徐居正詩為昇平故事

七分明月古徐州溝水東西碧玉流不見崧陽韓進士空留佳句滿
名樓松京韓在瀛以詩名嘗誦順天有名樓八咏甚佳首兩句即韓詩也

崔君讓馬樹廉名人道崔君少後營八馬繁華今寂寞猶看一片傍

孤城崔頌八馬碑見邑誌及高麗史

喚仙亭次原韻

清川帶郭暎華簷絕勝錢塘兩美兼蓬海路通休引棹山陰春寂好
垂簾歸雲遠嶼螺鬟出宿雨空林犢角添醉岸烏紗憑晚眺江南十
景八毫尖

鸞鳳山頭積翠開晴空柳絮獨徘徊林間畫鼓響響起白鶴時看射
的來亭前有射場

城上謳歌日夕暉城中遊女採青歸浦船回處郎將發月下新裁白
苧衣

亭南樓北摠芳菲巷首垂楊白竹扉郎似喚仙終不到妾如鶯子百
迴飛

亭前車馬日交馳
嬌笑悲歌閱幾時
此地迎君還送別
紅顏強半箇中衰

香林寺

路入香林寺門開
亂竹邊庭心雙白
塔座右一青蓮
淡藹籠原樹微風咽
石泉斜陽鍾磬發
聲落鶯樓前

松廣寺

海東三寶刹松廣獨擅奇
通度海印及松二祖鉢衣地
懶翁住是寺以衣鉢付無

學四疊茶香詩
高麗僧冲齋初以南省元脫身住松廣修真崖怡

何更新醜語一通
卒不答書風流雖云邈典型良在茲
山僧慣迎客

筍與勤相隨
方丈三千間
鈴鐸無歇時
金剛片石堅
寺中古蹟有淨

達摩隻履遺
新又有標欄毛織成履草古傳天龍護淨居
金革獨不知

丁酉免於兵燹稽首問迷津
儼然十六師
寺中有普照以下十六國師畫像

三清樓
在松廣寺

嘗聞曹溪山
舊有卓錫泉
甘滑贍大眾
不求種玉田
偶來搜奇勝
山

爾泉亦然
此山亦名曹溪憑欄酌清流
海瘴一洗前
密陰覆碧淙
從容繪餘

鮮
古傳普照師初占松廣時為賊黨所據賊黨見師狎侮之以魚膾

散至今三清樓下水多遊魚
白檀無生死
渡得佛性全
庭有枯木不

或者疑為白檀云披雲休萬事
長懷牧隱先
牧隱先生詩云披雲一

即事三清樓也

贈李醫

海上逍遙六十春
一傾翠蓋白頭新
習池醉去謠山簡
谷口樵還問子真
竹筵三時通
信息藥欄百草葆
精神少年自得長
桑術門外惟

雲集

詩

卷之二

十一

耆種杏人

謁忠武李公畫像

在望海臺傍鹿島萬戶鄭瑄之像亦配焉上人言鄭將軍善水戰忠愍勇關李公漢

仗之云

東方有國士姓李名舜臣在昔龍蛇歲秉鉞獨奮神威聲震日域經畧蘇海濱風流思叔子孝友邁君陳桓桓鄭將軍許國遂捐身太史傳許張當戴雷萬春俎豆敬不惰四時祭南民九原難可作誰是干城人

牙疼

老大苦牙疼尚可歸年數少壯苦牙疼辛苦心欲腐疾恙千百般無如牙疼苦或刺如矛戟或劈如斤斧或割如利鋒或射如毒弩或沉痛隱發或綿延靦縷或手翻足踎或口張舌吐或推案長嘯或刮席

乍俯或靜坐思過或長跪禱祐目或流閃電耳或響鳴鼓動或發賈哭止或起迷舞沉或身入地或氣蓋宇如戲指或彈如思頤或拄箕踞膝或搖轉輾胷或拊八載如一日無齒不傷齧或窩如臼豁或缺如陶窳或黑如焦石或赭如童姑或嶄巖斷岸或髑髏孤柱呷冷蟲失坏服熱魚遭釜啣軟疑困石茹柔動觸罟嗜棗不敢近况復咋乾脯我方酸苦楚傍人笑詡謂是無根病久痛自可愈先病亦不諒嘲侮以慰撫方其叫號劇七情失所主管絃不足樂罟罟不足怒煙蜓視毒龍蠅蚋視猛虎水火亦甘心何有被笑侮有時尊酒筵清詭徐揮塵投壺爭美馬奕碁競取賭會嚼聲噲噲盤上水陸聚卧看自傷心不如緊閉户况復當濃更殘燈耿一炷坐卧眠不得竊獨銷臟腑蘇君無此疾枉煩鍼刺股願借喬子術得枕遊仙鏡傍人鞫鞫

雲集

詩

卷之二

十一

睡憎艷無與伍晨鷄若不鳴何時見因照八載如一日幾何不死瘦
一齒復一齒有如傳猶蠱藥石不可治有如秦兩豎速醫試良方外
攻兼內補投毒爛脣舌試劑攪腸肚行逢齒豁老爽如登玄圃安得
拔去根淨蕩無岸府不嫌辭齧切不愁失媚媼神耗形纖瘦已乖碩
人僕壯志漸銷磨精氣變龐鹵念昔達人士功業勉自樹妙齡不懋
力朽老安所取疾病我自當功業讓與古

過左水營

匹馬行臨大海頭飄然獨上鎮南樓將軍渡口寒潮雨忠武祠邊古
木秋城外有李忠武公祠魚市喧譁通暮郭龜脰寂寞繫虛邱忠武公舊用龜
船今置陸不用
夫連天水闊風波靜終使浮生伴白鷗

觀海

生長東海隅初見海一曲已有得之心何以加諸目吾觀一勺水已
知有川瀆吾觀江漢流已知海涵畜至勤常不息至大不自足屈已
能忍垢細過固不錄持此恢恢量盍警小人腹

採鰾兒

橫干島裏採鰾兒黃瞳赤髮形怪奇泗水醜倒雙踝沒只看綠浸生
紋纈須臾冉冉出波頭伏鉢長嘯還自投小兒樵歸桑下睡嫗來擊
起生嗔志隣家小嬌年十三常遊浦口能入溪爾獨為男不如彼長
在桑下做夢裏家業何時有饒餘何時成人聞稱譽可憐誰不愛其
子不愛性命而教此得此以為生誇此以為榮回頭一歎重感慨世
間多少父兄失其愛勤教文字赴宦海

安島女

朝發防踏鎮暮宿安島里風波僅得涉悸恐心未弛借問安島女何
苦去城市來此孤島居而獨不畏死安島女笑曰客子不知理城市
不可居供役無時已勤耕不自給日日遭鞭笞島居有正稅終歲無
虐使城市不可居子弟學侈靡辛苦數日糧不及一兩履島居守真
樸生不識華美城市不可居子弟學書史年年赴京舉蕩賞不知止
島居全愚陋惟看習泗水城市不可居訛言日四起聞道達官家一
年宅五徙島居無雜言斗酒相懽喜城市不可居墻壁樓奸宄殺越
瞽無畏扁鐮啓詭說島居夜開戶老老安帖耳山中不可居豺虎之
所倚島居無此患昏夜放犬豕川邊不可居漂没夫耘耔島居候常
潮進退不失軌上山捕麋鹿入林射春雉潮退網魚蟹霜落收橘柿
婚嫁世相襲不必辨族氏賣魚以換穀不必服耒耜在舟如齋閣不

美凶疏綺相望無來徃幼艾至兒齒平陸多風波大厦安足恃富貴
如薄烟公相葭莩視客子無回辭悄然立暮溪

獵鹿

鹿無害於人林宙竄藏密偃仰餌靈草溪得不死術豈意反速禍而
無寧居日夏至初解角溪居常兢牀朝出飲澗水流凡如星疾衆羸
歡相聚呷血如啗蜜夜靜山月白呦呦求其匹年年長化離子母亦
相失蘭以香自焚膏以明自滅懷寶諒難容遂為世所嫉俯觀西臯
下狐狸自放逸

觀打魚

三船縱橫來水面大網截浦圍裏遍百夫擔索下遠汀一般橫立獨
為殿須臾舉網風吹腥玉騰雪舞飛沫濺舟小魚衆不勝收飲酒擊

鼓排賀宴島人尋常不重魚明日去賣河東縣

金鰲島即事

海候無全晴靈瘴鎖草木浩渺接天心蒙密依山曲谷竅鳴金鏞潮
頭翻銀屋牀下走螭烘簷端遊蝙蝠億億鹿畫行啾啾鵲曉哭朝厭
鳥聲煩夜苦蚊嘴毒波送蟹帆橫石戴壕山轟大魚訝立人遙島來
浮粟披沙拾幽蟻倒水摘潛鰻原有不祝田水多無名族就此欲老
漁違世恒處獨若樂縱相參形神不感感

興國寺

寺當南寇衝壓海起層榭縹徒隸舟師誦呪兼習射寺興國亦興古
語真堪訝相傳此寺興國運亦興故名興國寺宣意大曆服關係一僧舍

次富春亭原韻

文平公金吉通與吾家同貫嘗按節湖南巡

孫因留為家
立祠以祀之

澄江如練聳孤亭人與沙鷗共忘形庭畔至今召伯樹山中昔日嚴
陵星釣歸小艇烟初合笛斷長洲酒忽醒富春八景有凌波
釣臺烟洲牧笛偶得殊
鄉花樹會池塘春草夢魂靈

謹和從氏贈別韻

海畔棲遲換素秋明朝分手上譙樓帆過南浦雲千里家在東湖水
二頭佳節飄然乘興返賢侯聊復為民留對牀風雨道遙屋他日相
看破此愁

夜與黃景襄

贊熙號秋所鄭海琪共賦

琴軒蕭灑一燈明更鼓悲笳隱暮城久雨欣看新月色涼颼忽動遠
砧聲七星屋漏貧非病千頃波流客未生憶得蒼溪鱸正熟南州山

水絆歸情

贈別景襄甫歸百濟得夜字

白馬江上小蟹舍一裘一葛秋無稼少年慕義重結交臨酒慷慨笑
且罵出門鬱鬱何所之南州山水如啗蔗管絃粉黛摠不關日日醉
卧竹亭夜忽見秋風歸思興登途叱吃葛龍化慰我新詩致慙慙梧
桐葉冷秋露瀉願君自愛勉由中驥騏何必須泛駕雖有良玉溫粹
姿須經雕琢受成價

仙巖寺

結構駭心目飛甍疊相連五十三金佛莊嚴喻妙蓮志心得歸依人
天大福田後法堂有純廟冲年御筆人天大福田五字說真鳩聽經大覺法師在仙巖說法鳩來聽經降
靈獅指天焚香滿虛空如在耆山前

同福勿染亭謹次羅滄洲原韻

夕照蒸霞暎晚臯此山吾欲老耕陶羅舍故宅林間出亭即羅都事茂松之所構
也至今羅氏子孫八世相傳茂松號滄洲謝眺澄江雨後高雲闕小丘尋寺路人從遠樹
買村膠滄洲何事毓愁染到此塵機自不勞

同福赤壁亭敬次農巖金先生韻

丹崖倒水上連天福地還從遇福川同福古號福川既望何須同日月百年
猶似舊風烟支機石老雲華靜土人言壁上有一玉女織錦密云巢鶴臺空樹影懸上壁
舊有鶴巢農巖詩云見說陰崖有巢鶴夜渡應夢羽衣仙默會靈區聲狀近到頭應得接羣仙

泰仁披香亭敬次佔俾齋金先生韻

至人一去挹遺芬杖屨曾聞此地云崖孤雲曾摩是邑作此日暮三
山迷遠望不知何處訪孤雲亭前平曠有短林低樹林外羣山依

傳崔孤雲得不死術至今尚在云意在斯耶

又敬次石川韻

對君長進酒

鄭松江相公命故曰將進酒之將字耐不得宜改以長字亦詩山故事也趙芸石相公詩浮生不醉將何耐長

進佳入竹葉盃

醉此鏡中天若問詩魂在試看萬柄蓮

佔俾齊詩千載吟魂何處覓芙蓉萬柄萬

雲孤

長城白羊山淨土寺雙溪樓敬次圃隱先生韻

樓影溪聲不見僧何年建塔記功能白巖一片名區鎮

寺後有高羊白巖名區鎮色深名白羊

亦名白巖

紅葉千峯色界增人去字留山為重心閒境僻水偏澄拂衣愛

向雲門路

上有雲門庵在淨土後十里最高佳勝

堪笑前賢未暇登

圓隱詩久向人閒憂熱惱拂衣何日

登共君

光州無等山天皇峯

廣石立石俱在天皇峯下

高挹天皇袂搔頭謝俗塵山中多白石誰是牧羊人

廣石臺

神仙好高曠天築自然臺恐說遊人跡林風掃後苔

立石

立石何奇哉精英積聚共工絕地維惟有向天柱

松屋雜詠

乙丑夏余陪仲父在西原衙中松下屋者西原子舍名也

和國卿雨中漫吟韻

此詩當載擊磬集誤錄于此

短歌盈室宇長歌滿乾坤齟齬復齟齬鼠穴銜戴盆瞻彼庭畔柏下有盤龍根豈無枝與葉亭亭蔭高軒風雨不時至恐復斷泉源小兒繞牀戲赤立兩腿臂常懼臨濃池復訝乘坵垣無力隨汝後老夫常遭迤短歌聊忘憂長歌以永言樂哉時雨降庶草亦庶繁我友天一

方契闊誰與論引滿且作歡酒中妙理存

清寧閣壁上次金柏谷韻

西原稱小京上黨有孤城走馬南橋路憑流聽角聲

蜻蜓次人韻

赤憤朱裳暎晚天野行無處不相先棲棲靡定巡階草箇箇如忙趁
夕烟世味閱來雙翼薄光陰惜得努睛圓最憐堪入春風畫黏在佳
人碧玉鈿

蟋蟀次人韻

洞房遙夜上燈初蟋蟀聲高境轉虛感歲猶存唐叔意鳴秋忽憶孟
郊書一生寥落逢時晚全賦清寒有我如曉壁婆婆青尚在鬢鬢無
恙苦吟餘

七月十四日夜同石莊香海阮亭諸宗人拈韻共賦

鈔羅潭上起秋風既望輕舟漾碧空坐久衣巾沾露白吟餘虹月落
箋紅夢驚春草池塘外身伴秋蟲旅館中今夜月明是何夕一樽猶

幸與君同

鈔羅潭洲水藍子洲前潭名時
新長從弟追憶去年同遊時云

高梧月隱細生風滅盡氛埃萬象空演漾微波官酒白迷茫遠樹驛
燈紅二松藍縣清哦後

阮亭見任
果峯驛丞雙廟睢陽指點中

松屋北數十武
有三志何亭戊

雨中次栗丞基龍韻同石莊共賦

松林睡歇雨初過牆角青青上薜蘿滿地寒泉紅稻減終朝小院碧
梧多君才初試如裁錦吾性未馴慣着蓑馬壯草肥綠蕪遠驛樓好
聽牧兒歌

次梁承韻懷亡從弟國卿

空山埋玉已多時此日猶如遠客思
逸氣堪憐霜竹冷冷名期係澗
松邊機雲入洛初傳賦邢實悲秋
早有詞來世重逢那可必燈前空
想百般癡

襟臆涕流開篋時看雲日暮不禁思
別來幾恨分荆早病後常憐下
筆遲海內子由知己友人間長吉
鬼才詞皇天偏惡聰明子眠食如
今係我癡

次梁承韻與石莊共賦

南來多病獨棲身不見廬山面目真
林藪斜橫成一障城北有長林一帶名北藪
鐵幢危立歷千春縣門南有鐵幢高可十丈新羅時巨剎龍頭寺所建
樓臺歲久人同老梯棗
秋登野不貧莫向青華山下路巖齋
蕭瑟滿黃塵青華西來為洛陽山洛陽即華陽主

山華陽第四曲有巖樓齋即尤庵先生讀書處

依松屋子劣容身啜茗看甚足養真
南國風烟逢素節書生經濟負
青春荒園晚蝶休文瘦夕葉寒蟬
仲子貧痛飲無聊消白日三忠祠
裏吊前塵

初秋雜詠

小塘風定露涼時澹坐南榮少事為
籬底鷄冠紅的的架邊馬乳熟
離離秋來蠅狡真堪賦江上鱸肥正
入思日暮急砧何處起異鄉節
候客先知

新秋物色異晴陰此地登臨悲古今
南石橋連芳草遠戰場碑沒碧
苔深西門外有趙重奉溪梁火返新嘗蟹野稻風清夕聚禽偶向高
樓成小望欣然不是待仙心街後有望仙樓

積霖初霽遠沙明
乾葉青烟薄暮生
秋後林園皆可畫
鏡中容髮不須驚
曲欄夜靜芰荷氣
荒徑人歸葛黍聲
萬本芭蕉揮灑盡
白前墨雨鎖殘莖

渡東津

松窗昨夜雨
翻盆處處江
扉見漲痕滿地
蓼陰黃帽睡青山
如畫鳳

巖村

大娘子巖

大娘子巖在皮竹嶺道傍有石如馬鞍行人履之呼大娘子則前山應之過數武則不應

夫君日望立
孱顏不見青
驄但獎鞍
客子何來相惱殺
錯疑郎喚答
空山

秋日行途中

葛黍紅垂
荳葉黃野田相錯
盡文章遙看蕎麥花
如雪一陣風來一

陣香

健齋集

乙丑十二月余拜健齋郎戊辰春還歸此其人直時作

健齋除夜過亭後次丁硯園贈別詩韻

乙丑臘月

陰陰松柏肅生風
悽愴蕭香臘炬紅
奔走渾忘身賤却
自疑密邇紫宸中

陵園一望隔阡岡
緜鶴湖龍去後藏
聖孝無窮儀有限
誰人不讀

稀嘗章

簪紳於我未稱當
豈為功名著後芳
明日二毛添鬢上
風流端合讓

潘郎

江鄉此日釀新春
罇飢饑頭味品珍
一箸何由嘗入口
做官好作出

家人

齋西花木長新枝
勤護須者二月時
常恐佳期人不到
滿庭風雨自披離

除夜次陳傅亮韻

此歲諒無多今夕是何夕
忽聞遠鷄鳴已見東方白
恭喜魏闕裏黃裳若干尺
千官趨賀正車馬填巷陌
寥寥寢郎署頗喜讀書隙
掃灑勤厥職何有名赫赫
素志何太張萬里封龍額
立功威沙漠旄頭以遠跡
青史垂廣譽蒼生被厚澤
迂哉安能成及春播龍麥
辛苦幸食力汗疇熱日赤
聖代無一事何須啓疆域
轉輾浸無寐空成憂抱積
離家始今日復恐長為客

健齋雜詠

丙寅正月

懶性從來喜晏起披衣帶及日
三竿窗前忽報陵無事却憶淵翁遠

解官

世傳三淵先生素無宦情及除寢郎入直朝起聞守僕告陵上無事先生驚曰若有事則奈何遂棄官去

朔望焚香

五日登清晨袍笏詣喬陵折旋却有紅衣導碑後殿前一匝行

供辨籃輿日走罔不由樵徑向禪房斧痕埋盡猶微露道是駕行

敕備梁

挺得樵人若不多閒曹公事又忙過斧鎌謬視銅錢例寄送家中也

愧他

先生長缺問何如出有復與食有魚可恨腐儒窮未送盤饌日日計

錢除

舊時陵官供饌豈厚有魚肉五樣其後有一官減饌以償代捧遂為定例

遊禿城山城

茲山舊云禿何年長髭髮人家如鳥巢孤烟生截窠危經攀雄堞登
臨覺悠闊鴻影翻後底海色挹天末嘗為島夷困絕汲士久渴揚米

寫馬脊望之水濺沫夷驚謂有神長圍一朝拔米以量沙幻泉或曳
籠發合兩成茲奇應變固不竭行行逢衲子隨到城東刹僧言曉霧
壯詭觀如溟渤南樓興復長城南有鎮南樓最宜遠望憑眺心目豁藹然林木間
春意已勻抹籃輿隨處泊金烏冉冉沒

初九日雨後作

較量春煦日添長夜雨林園滋綠芳鳥語媚晴如講好雉鳴得意似
排忙梅纔一樹忒妍淨松未百年猶老蒼稍慰往來省姊近柳川花
發夾途香

虛窗淡坐學枯禪松靜雲和伴鶴眠時有簿書真似吏不聞鷄犬寂
於仙借書隣署慵還壁得句山蹊任忘筌料理新春閒事業茶旗趁
取清明前

李大夫

恒老○此下五首
丙寅冬洋擾時作

人言讀書士迺闊不中機悠悠舞兩階詎解平城圍以茲急操切長
者鮮免譏偉哉李大夫懷道老布韋一朝海氛急徵召使蓋飛隆顯
荷寵光禮遇入金扉盈廷方術士扼擊論祥機大夫何所言默默與
心違非道安敢陳五疏獻重闈徵歛招厚怨召募滋虐威營繕時當
絀匱祀神靡依見者皆失色凜烈明秋暉陽子不負望千載與同歸

梁千總憲洙

梁千總萬夫勇天遣此人殲夷種昇平百年干戈閒椎牛醜酒日取
歡火船飛來如激電擁衆遙望失機變梁帥大呼請樂戰身與此賊
不俱生願賜一隊兵將軍但坐觀成敗功成歸君死我榮主將扼首
泣將士袖手立惟有關西健兒願從征人人實勇爭赴急一鼓渡覺

津再鼓掃腥塵沁都復歸版圖裏捷書飛奏動
紫宸廟堂撤謀筭
九重息宵旰析民始還巢邪黨陰沮消朝廷不愛武臣爵梁帥功大
賞微薄

楊花陣

巡撫使
申穩

楊花渡頭月初出巖鼓纔罷巡士卒將軍暴露駐中原鐵衣霜滿風
瑟瑟投醪飲河能分甘借笠禦雨亟用律販夫歌呼賣陣前將士歡
娛忘家室傳諭罷兵猶持難勢重如山不徐疾風流藹然江漢間元
凱儒雅堪倚匹願同辛彤作虎臣四夷賓服享安逸

延安招討使

韓應弼

八月望日月無光大船來泊沁之陽轟砲震地列鎮壞守臣蒼黃夫
海防復屯相望事玩寇但見二牙日翱翔延安太守真奇士慷慨激

衆趨巖裝孤軍無繼安能抗歎息罷兵心自傷挺身試險入虎穴投
舟潛詞獲賊詳還郡拜書上方畧爵命優異奇勲彰終輔梁帥退強
寇歸來彈琴宓子堂延州父老有餘歎恐復被召歸巖廊當世誰無
識韓願休哉鸞鳳之出為世祥

次歸川詩社韻詠輪回梅

李懋官有輪回梅詩謂蜂採花為
蠟而蠟復為花猶佛家輪回之說

故也當時詩
人多和之者

環珮遲遲隔絳紗春風真面洗鉛華生來可恨無遺韻妙處宜看欲
放花盡裏添毛神氣足宮中妝額步搖斜輪回百劫那能變一種風
流自繼家

次歸川詩社韻

行藥空階步步安苦吟刺得帶圍寬林吹恰到三更靜冬暖猶饒十

日寒江雪連村皆素封山雲界月似烏欄良宵景物清如許只教閒人飲眼者

春日行齋署園中作

丁卯春

園中佳卉半新栽為客三年且未回怪道春風無次第桃花徑併杏花開

松石尚書

宋人學性氏

六十一長筵

嶽瀆精英映婺輝丁年重到似令威堂中萬石君無恙好換朝衣着彩衣

庭蘭秀出眾芳園牀瑟湛和百歲歡福氣熏人淡似海春醪無日不盈尊

韶顏長帶昇平像四十年來山斗仰天意佑賢方未艾佇看靈壽下

鳩杖

健齋直中遇故舊作

紙因燈迴漏丁東寢署寥寥隱樹中雪棹夜渡逢晉士山樞歲暮詠唐風江湖少別三年久盃酒相看一世空休恨錢神貧不到銅山那

見救飢通

時用法錢氏多犯故云

從妹婿李君應翼年十四神清才穎嘗誦其十歲時所作因

步其韻贈之

戊辰三月

妙年王珮玉丁東奇氣飄然橫素空已識鳳凰吟口裏誰教孔雀射屏中路賒雲樹千重隔行踏桃花一徑紅從此松蘿諧夙願翻呼小友愧張公

戊辰暮春 幸行後遞官離 健陵作

瞻掃 喬陵已四霜來時種柏盡成行豹藏盡日添閒睡肉食無端
惱瘦腸廚吏久居諳嗜好村童慣見號慈良梅橋歸路重回首一杯
烟岑鎖夕陽

雲嶽飲泉集四肥

朝宗途中

峽裏初夏尚微寒正值天旱愁途乾行人日暮意正急細路緣溪百
折盤澗邊膩草馬不進巖底幽蕙蝶尚攀溪山布穀鳴悲壯何處叱
牛聲更頑地高民勤麥先熟黃雲彌布跨絕巒行逢桑粟知村近數
家共置一席寬官無苛政山無虎逢人詢俗道平安緬思吾祖隱此
地躬耕避世歌伐檀一出山門展夙抱功施被遠濟時艱如今誰復
憂世者林下徃徃見休官

宿雲溪李研史萬翼山庄

槐陰盡日碧垂扁靜對琴書性靈巷寡輪蹄真避世兒成頭角好
傳經山暉易夕燈常早野水分田確暫停明日雲門攜手去鞭稍喜
看佛頭青

贈明涵長老

予已夏余飲泉于彌智之上元庵明涵問復移錫于懸燈寺再
今余飲雲岳之泉明涵問復移錫于懸燈寺再

作主人意有緣
淡誠非偶爾也

桑下曾經種夙因水分雲隔十三春如今蓮鉢垂垂老依舊樺巾可
可貧研露題詩添瘦冷斲烟栽藥養和真入門一笑看青眼到處靈
泉作主人

飲泉

雲嶽何縹緲賦霞日夕濃羣峭矗玉柱疊岡環金壙招提杳林霽數

里尋樵踪神燈懸古塔

舊傳普照師遊雲岳夜見燈光蘇之得廢寺遺墟塔上懸一燈師吳之重建是寺因名懸

靈籟送晚鍾涵師欣舊識握手驚塵容尊余靈泉路崎嶇躡重峯

壁滑苦無級脊銳凜履鋒登臨始舒嘯俯視更懷恂巖縫時微綻乃

生千尺松幸無戕性斧歲久成老龍石門洞窅窅騁矚盪心胷衆巒

趨京邑百谷歸朝宗朝宗名鬱鬱涵積翠粲粲秀芙蓉前徒忽驚却陡

絕路無從瞻鹿心轉細脫屣并乘筇踰險顧相賀喜聞泉溜淙淙飭

開石廩遽如屋壁重窈冥闕曷日疑返返窮冬漱齒醍醐淨沁肺玉

醴醲宿齋祈靈貺稽首致敬恭願得滌腸腑除痾與愁惹神能聽我

否俯伏俟從頌三瓢已知足歸程日下卷

硯史偕宋氏三孝廉見訪于山寺共賦

迎客巖扉不束衣上方鍾罷鶴初歸新知漸向論詩熟世慮還因習

靜稀山雨驟過分界濕洞雲遶起到天飛者君未破塵勞障如此林泉拂袖違

下山至霄溪與硯史復遊觀魚處共賦

籬落鷄鳴雜笑聲溪邊垂柳晚風輕人間復到觀魚地俗古還者借

馬情硯史訪安生借馬故云十日名山攜綠玉數家淡樹買烏程擬將茅屋隨

君結笠屐相尋老此生

滯雨霄溪臨發贈硯史

屋角鳩鳴破客顏朝看晴旭上林端山行有日知身健別路把盃又

鬢斑笠影遠分芳草際書聲猶在綠楊間浮生此會須難得紫氣何

時定出關

雲養集卷一終

雲養集卷之二

清風金允植洵卿 著

東萊鄭畚秀伯河校正

檜山黃炳郁進文編輯

詩

江北唱和集 自戊辰至辛未

題荻笠

蕭蕭蘆荻滿江邊何日編成笠子圓戴向蒼溪溪上釣秋風秋雨是前緣

挽申怡園 性秀

東淮之水水西流老屋蕭然草樹秋中有董生今不見鷄鳴狗乳使

人愁

蔣花養竹小園中，舞彩承歡樂未窮。猶記舊時吟賞處，秋風零落鴈

來紅。怡園幼時嘗有詩云好種鴈來紅，紅百本冷金箋紙作詩材。

縹囊小帙印紅窠，架上犀書手鈔多。可幸弓裘傳有托，大兒已解惜

摩挲。

題平壤全圖屏風百一韻 戊辰臘月

江上歲暮雪翩翩，荒徑人斷鳥欲眠。殘缸掛壁炯自照，心遊萬里坐
如禪。索取屏風掩疎牖，倚床看畫轉宵然。西去漢師五百里，一片名
都古朝鮮。地勢緊控遼，鞬路天文正。值箕尾，躔關海之間。一都會，塊
麗秀奇，無與肩。遠宙圍野江，抱郭蒼翠鬱鬱萬家烟。錦繡山明媚作
州鎮，牡丹名峯一朶，更可憐。山頂有臺號乙密，一寓諸勝得之全。浮碧

高樓臨江起曾經，龍御此般旋北望。吊古兔山上，箕聖遺墓草芊

芊。齊氏首邱豈無戀，仁人自靖亦合權。永明寺類寒山寺，鍾聲夜到

賈客艍林間。孤塔如白鶴，月巖秋清桂魄圓。梯宮繁華今寂寞，玉砌

荒涼。開白煽，更有異事尋麟窟。東明昔日去，昇仙鼎湖遺弓爭何似

至今片石留朝天。石朝天轉錦門東，平蕪綠清流。壁下水，因玄一帶綾

島。綾羅島名芳菲滿，渡紅淺碧調粉鉛。蘇小小墳在何處，玄武門外洞蟬

娟。妓名銀灘名灘春水葡萄碧，彩颿時送瓜皮扁。雜藥山前開府治，碧

瓦綺疏相疊，聯幕府周遭。倉廩列中有一堂，風化宣平遠。多景渾成

趣。平遠多景皆樓名映帶林樹雙鳳，騫長樂舊殿無處問。宮花寂寞覆

碎甃，四部平分衢街正。仁義禮智四部日夜轟轟而闐闐，亭館處處相望起

繡栢，鏤檻彌連延。一竿紅日爭叫賣，百貨夾道列市廛。就中不數本

國產綺羅名香與罽毳汲夫鳴鑼行為節磨肩交臂競後先人物雄
 強著前史便弓嫺馬誇輕儂頗尚然諾重年少啗猪喫奶不論錢平
 康坊裏風流鼓曲江春遊題紅箋梨園弟子三百隊箇箇妖艷鬢如
 蟬檀板高歌垂手舞千金不惜錦頭纏富豪偏解紅裙醉盤殮侈美
 羅裳羶相逢意氣傾樽酒繫馬垂柳揖金鞭譙樓悲笳隱粉堞將臺
 縹緲山之巔普通門前陣月暈金帥於此倭級懸桂娘成功真奇事
 竟將微軀為國捐天兵再造先事地殊勲茂績旂常鑄武烈忠武祠
 相近英風颯爽拂旌纛崇仁殿宇接黉舍先聖先師共豆籩微斯孰
 能與於此更有檀君廟在前大同門內大同館每接皇華設九筵昔
 時衣冠今不覩壁上徃徃留詩篇快哉亭上滌煩暑幽花瘦石病欲
 痊徐振朝鮮竹枝詞度石幽花
清淺水納清亭與快哉亭街頭彩閣昏鍾動月影涵池是愛蓮

愛蓮池名
在鍾樓傍

練光亭子臨涓水管領風華美獨專紫陌香颺吹雨過太
 平歌管到耳邊風月樓臺渾陳跡惟有小池名相傳舊有風月樓今
廢惟有風月池
 德巖捍水民免溺削立城根大如拳城下澄江綠可染橋烏畫鷁簇
 相連簾舫載酒雙雙去簫鼓競發歌扣舷思君孤亭對九老九老亦
序名
 一曲清潭更洄漩十里平林青烟合白沙如雪繞長川况復南浦銷
 魂地細柳裊裊離思牽朱雀門西連古郭五車街頭直如弦蒼光山
 下列祠院四時椒糝常致虔樹間節屋盡明淨家家花發紅欲燃外
 城人士知尚學曹處局堂習誦絃正陽舍毬皆城門名相對峙八角重重
 龍首駢有土阜天成
重重為八角箕宮箕井尚有處門設八教啓蒙八教箕宮
宮門名欲
 觀聖人仁政始縱橫八八是井田秩秩軫涂如碁局大哉王道無頗
 偏可幸秦暴不及此千載猶能辨陌阡倭津西赴玉崖下水德門中

一派穿天降橋接永歸路揚浦草綠水潺湲西山晚翠晴欲滴翼然
江祠飛彩椽小亭閒似閒似亭名足幽賞車門平臨綠漪漣釣舟晚泊鳳
臺畔寒灘瘦浦好湖浴羊角雙鳥分江岸狸巖獨立窺梯淵長林盡
處卽松院院松別有人家枕清泉全城輸寫一幅素澹濃疎密殊萬
千好是佳麗銷金地絕世堪比西子妍記昔鴻荒初開物擅君肇基
并堯年偏隅不知書契出一千年事屬香玄天開文明君子國父師
東來卜澗瀍俎豆禮讓風俗厚于今受賜化仁賢箕氏世衰先業墜
衛滿奔逃來自燕建元天子喜邊事右渠阻兵不知俊樓船旌旗蔽
東海樂浪折入漢幅員高氏建都知何日據險自強歷世綿隨唐兵
威天地動城下無功久屯邈天將來鎮都護府復屬中州氓戶編勝
朝爰置西京守控制兩邊扼其咽喉降及遼金相接壤民俗遂變悍且

堅湏江復聞河清頌

古樂府有黃河清以湏江北黃河頌美子也

千一

聖世樂陶甄千

戈仍成歌舞地威衰悠悠逝水遷城是人非何須問遼陽歸鶴空蹠
躑我見此畫真良手咫尺萬里得妙詮精細又兼生意是何論徐熙
與黃荃惠崇小景尤蕭灑經營入神工補填恍然身在靈境裏汀洲
芳草如可搴手揮瑤絃羣山響宗文卧遊真成便顧我生長洌水上
端居閉戶事鑽研眼孔未離墻壁外意內虛想窮八垓傍人艷稱西
都樂出門大笑空流涎遠遊誠非寒士辨况復冗累被拘孿未見廬
山真面目謾成長歌留後緣

韓君羽卿集古名人書二百餘字要作詩語作壁帖之資為

賦六言七首以應之春巳

對酒聊分明月推窗先見碧山人間醒醉多事屋裏起居猶安

江千數里芳草岸上千葉佳花春事林園將晚夜來風雨常多
幽居多逢韻事靜坐渾是詩情家有舊書千卷何如南面百城
靜裏養真守道乘風攜手丹臺仙姿如春常好幾見花落花開
月明山影樓影風動花香酒香佳境清真如畫林間依約小堂
林深故人不到夜靜山月極明醉後岸中無事晴窗早出書聲
窗前亂交書帶樓外數點筆鋒試將花露寫字卷裏常攜香風

藍溪朴齊政都事為其大碩人晬辰邀飲共賦

主人菜服歛賓情海屋春深酒數行碧樹疎籬通犬吠高樓白日坐
鶯聲平泉石老無常主飯顆人來太瘦生蘿徑從今頻問訊慣看洲
鷺不須驚

藍溪庄屢易主故第五句云

初夏從隣社遊藍谷作

洞口陰陰草色晴終朝鞋襪傍溪行
饁疇還有調羹手樵唱元無度
曲聲奔走向人癡
犢戲喧呼隔樹嬌鶯驚
田家望雨知多少
枯麥穉禾各異情

谷裏烟嵐晚更晴
樵歌人在碧峯行
閒來幾訪栽花客
久廢初聞落子聲
細計浮生憂半樂
誰能處世寵如驚
居民休送桃花水
纔出山門便世情

挽韓容憲正言

嗟哉韓夫子耿介世所無
官卑猶國戀家貧絕身謀
危坐管榻獎孺慕
王柏枯皎皎藁里月猶疑掛冰壺
早歲冠緝旁風彩映瓊琳下
邑試遊刃高堂鳴素琴
歸來空四壁頃
篋酬好音莫歎人未識
此樂不負心

庚午孟春會石村尹字善承宣山莊夜飲共賦

江月江風似去年青燈相對愛依然閑來事業清如水浮世行藏任
聽天甕裏醯鷄仍送老卷中脈望却成仙 聖朝優假詞臣禮賸許
林泉盡日眠

丁研園大懋小芸大樊香晚大楚三兄弟聯訪共賦

黃緣芳草坐幽林榭葉籬節日脚侵數語分明鶯試舌一生忙迫蝶
多心閒中評史人今古意內論交酒淺淡吾輩窮經成底事池蛙鼓
吹付知音

丁小芸投示一律次韻奉答

硯田無穫半荒蕪此世誰能繼八廚失路堪憐懷隕獲窮經辨不說
模糊終知蓬戶真非病惟有茶腸可搜枯莫學謀生添鬼笑貧王猶

足霸東吳

敬題李山甫朝天帖

李山甫即我先祖文貞公丙子朝天時軍官也其後孫居
箕城者持帖來示蓋山甫手錄也帖尾有族祖貞文公所

題近體詩三首敬次其韻以寓感愴

月明舟發石多山惆悵離歌幾日還此用離船樂詞俗傳朝天時所作 萬里行裝夷
險外一年世事興亡間時朝天使在館未還 恩頒那復承天陞貢路
空關迤海關帖中錄使臣賞賚之物甚夥又請改貢路而主者索賂竟不許嗚呼孰知日迫崦嵫行人將息此志士
所以撫帖而累歎也 往蹟傷心無處問數株衰柳立烟灣

鯨濤萬壘勢如山祗恃王靈好往還一自星槎歸海上至今瓊闕隔
雲間斯行正值艱危際後世應知義理關此地逢君增感慨孱孫有

淡灑清灣

族大父基繼侍郎六十一長筵

熙世開壽域南極爛常映分輝耀德門寔為吾宗慶小春十月交暄
妍天氣淨高堂賀令辰霞漿挹斗柄韶顏傾四座譚笑鬪健勁廚供
備陵養閨範肅賓敬古稱仁者壽公有樂山性攬轡澄南服吐辭鳴
國威望隆天官貳方勤代斷政 聖朝優養老恩波久宜詠聊將出
關圖擬配水龍詠

次韻答丁芸堂

連夜寒雲悶不開江村亂落豈灰來澗水敲取宜烹茗書卷堆溪可
護梅人事漸疎慵把筆詩愁難遣強銜盃獨憐四壁相如病欲謝瑤
函意未裁

贈李楊厓

寂鎮○
辛未春

達世憐君似伯鸞白雲何處澗中盤數椽因樹為茅屋半臥栽花護
藥欄三耳潭忘遊士辯雙眸長對古書觀門前小艇堪垂釣米姓風
波夢亦安

訪金夢初

復均于碧蘆舫
鄭友梅復亨李楊厓
張煥玉來會共賦

槐陰亭午讀黃庭山葉樵童一色青意到鬚眉如見慣境澄談笑忽
心醒巡階點筆修花史敲石聆音註水經吾輩更無餘事業未須倚
劍夜看星

金夢初李楊厓來訪共賦

幾年勞望始相過容易工夫一葦河快讀應須澆酒物相逢半是擊
壺歌藥欄花氣微風度漁戶燈光遠水多題柱詞人今已老不知消

雲溪集

詩

卷三

七

渴近如何

山鳥提壺款客留，秋歌處處似眉州。野蔬吃飽權當肉，場麥堆高好作樓。老去東華如隔夢，貧同南阮未宜愁。蒼江兩岸皆詩境，最美君家對上遊。

夢初早遊公卿間未幾倦俗而歸願請疾貴感無比而獨窮居茲鄉故五六句云

仲秋雨後次兒曹韻

林扉疎珮晚來晴，風冷殘荷白。字輕書幌掩，燈火靜村砧。調急紙函鳴，依稀世事鴻。留跡寥落秋懷，鶯去情暇日。東山攜子侄，不須軒冕慕他榮。

嗒然中夜據枯梧，寥泚秋函坐似愚。歲久山溪生杞犬，雨添江岸簇檣烏。讀書只為消閒地，遣悶那能到底無。聲自西南者，何物鏡中鬚。覺雪侵鬚

駒兒年十歲始作古詩十韻余為之依韻口呼以示之

慷慨悲秋者，秋來悲無端。丈夫志四方，不為徒自安。子長年二十，南遊江淮觀。終軍纜成童，棄繻持節還。寧戚叩牛角，單布不勝寒。貴賤各有時，及時乃濟艱。有懷不能寐，明月照闌干。西風入庭樹，戚戚非舊顏。僕夫脂我車，風雨迷津關。奮發思功名，何用坐長歎。

辛未初冬與鄭友梅丈丁研園小芸香晚會于李楊屋山房

共賦

屋脊疎烟古木寒，一眉新月上簷端。晴雪滿村提封大，澄江抱岸帶圍寬。君駕難如千里命，此樽便是三生歡。梅花不發詩情瘦，惆悵楊州夢曲欄。

柴門烟水接鷗居，屋裏衣冠澹遠初。松榻留人賢聖酒，篝燈抵曉古

雲叢集

詩

卷之二

七

今書白鷄共話玄功進園鶴分糧生計疎裁碧暈紅何許事相者一笑苦吟餘

代古硯歌

申汕北先生家有宋時硯一方先生作古硯歌備叙宋朝興替由於賢奸之用舍吳代興盛托物抒懷余次韻作代古硯歌畧述皇明之蹟以敬和之

辱收菲質承咨詢為君虛心寫翰圍大雅委地竟何陳海中寒碧同

沉淪王獻定有寒碧琴記尚幸晚接君子隣主人好古風味醇楮生春秋欲竭

論彈指往事過墨輪生後三古嗟寡聞縱有賭記安足云宋氏衰善

以為仁諸夏暫見文物彬不及百年掃胡塵皇明受命四海尊治邁

李唐羞比倫學尊紫陽道術淳仁宣繼治纔十春民物殷阜際昌辰

正統以後已夕曛但聞媚璫不有君宮門鐵碑去不存奚翅鹿馬誤

羸秦啓禎刹復愈傷神黃池吳應箕著啓禎兩朝刹復論忠良鋤盡餘鬼姦進士門

戶專擇官何暇謀國與憂民金甌缺破牛馬羣時有牛馬鎊冠裳之謠指牛金星馬士英也

梅嶺衣冠碧血冤史晉輔視師楊州泮波成血成仁後以衣冠葬梅花嶺下遺老謾費閒經

綸遠控扶桑誰極因周崔芝再姓日本乞師不諧陸海茫茫不知津舉目無余宿

好敦但見三災日及門詭裝珠服不可親海外聞有冠帶人仁賢遺

化不墜文此邦可以永庇身惟願朝廷常得忠良臣行藏隨君不相

分聆君至理誨諄諄可惜文章空有絕世珍慎母與彼俗子言嗟乎

慎母與彼俗子言不如朝朝暮暮漱石而耕雲

敬和申汕北先生者永宣德壚歌

時人好奇務蓄聚不論其世惟愛古秦碑荒穢混鼎彝莽衆僭賊亂

九府况復歎識傳會多以舉為伍丁為祖子產方鼎偏古區誰其辨

之心亦苦未若茲壚近且珍鎔鑄乃在宣德春網緼元氣孕銅母抱

雲養集 詩 卷之二 一

送誰家噴香塵當時有若三楊佐上有垂衣之聖人幽風織婦颺宸
 翰報答嘉瑞騶虞仁茲鑪一一皆親見四百年事如隔晨先生嗜古
 博而正鑿別匱董如秦鏡家中青氈頗不貪獨愛此物為性命憶昔
 英考拜皇壇感茲香鼎泮汎瀾英廟嘗拜皇壇慨然追匪風之感漢
 未云呼高已畢夜如何共殿上香爐即是皇朝舊物內錫
 宣德年號某年某人得於燕市者北望暮雲不禁涕零云云流水東
 溟去不返空留日月款中看鬪鷄古缸猶愛惜出朱竹垞
 感甚集序况乃珍玩
 近几席鑪芳漂泊縱堪唏幸而不南走蠻峒北走磧又幸而不落緇
 黃遊冶家既遇知己復奚戚因明室淨位置佳吐屬清雅寄興懷叢
 烟裊裊空中起心懸落日思天涯白首悼亡又痒癩燈前苦吟何激
 楚鑪芳鑪兮今世之人殊不然但加玩侮而誰能憐汝

赴謁聖應製不中還鄉與李楊厓共賦壬申春

觀旂橋水半環清十日春陰憶禁城有喜仰瞻無疾病疎才多愧負
 休明酒場醒眼提壺語文字虛名科斗生買得花箋新樣紙題詩留
 與暮雲情

韓羽卿年五十蓄一老姬年四十五戲賦贈之

老蚌含胎月再圓藍田種得玉生烟柳眉強掃羞華燭鴛被將溫怨
 曙天莫問寶簪却扇後誰知韓掾偷香前歡情濃處無端恨錦瑟瑤
 絃是紀年

鄭友梅文李楊厓見過共登梨園小飲

幔亭臨水逐陰移槐爪新生麥髮垂牛背平郊誰掛史船中落日似
 聞詩君如解畫稱三絕我自無書任一癡花氣未當松韻冷朝醺賸
 得帶些兒

詩卷茶壚坐翠微
春風有力破愁圍
青分小徑林間立
白見孤帆樹末飛
草似鷗斑時入喫
花疑鶯唾故黏衣
江村知近河豚候
處處漁罾曬竹扉

窮忙春務少過雲
一事渾無管世紛
園為栽花添六徑
溪因灌稻減三分
誰知小蝶曾非我
惟有青山不負君
澗戶日長成睡覺
滿簾草色纈成紋

鄭友梅丈李楊屋金夢初聯過復飲梨園

睡來枕石寤當歌
祇許閒雲數往過
松子落筵清晝永
楊花度水遠帆多
口如布穀無聊爾
眼看提壺不飲何
湖上小舟君計穩
去來惟意莫由他

日夕溪樓對峭峯
青蒼一抹起余慵
不妨閒味如茶永
劇愛春光似

酒濃多識草名能
辨藥細鈔禾譜可
明農詩成解與隣
僧聽花雨千山落
晚鍾

朝日送諸公作

曠灑江村數點烟
兩三荇箸出漁船
朝暉妍淨明松表
午餉分排滄雨前十
里軟沙鷗境界數
人芳躡草黃緣送
君盡日香凝几佳
句堪並西子憐

六月六日與鄭友梅丈李楊屋張煖玉共會于金夢初碧蘆小舫

蘆舫蕭然穩起居
綠曉江色潑油如
山中時復朝看鹿
村裏今兼食有魚
已許三盃能染草
最難兩婢亦知書
請君莫占高田買
枯旱猶愁一雨餘

夢初出示其穉孫妍秀可喜作此賀之

麒麟玉刻佩丁東已看穉孫伴太翁蟬響早流漢洞闌鶯雜欲長蕩

巢空

夢初江居非久計也稍待兒孫成長將還漢師云

一枚贈硯還催老三揖成文可送窮

試攬目前書帶綠傳經無慮付阿同

向晚同諸益棹舟至楊屋書屋

策策詩筇趁暮烏何煩沽酒走長須裙腰草綠疑無路鐺脚村溪自

不孤柳岸迤長頻呼犢江槽初減可嘗鱸龐公宅裏趣鷄黍主客誰

知君與吾

夜宿楊屋宅共賦

蠶抽蛻轉若吟遲恐被田蛙聖得知澹坐渾如僧罷講鷓斑燒盡兩

三枝

赫日當空不可支疎林風力也還微晚來移榻南榮下為近涼蟬坐處枝

歸家後取陶靖節停雲篇中息我庭柯四字賦得五古四首

各十三韻奉呈蓉江諸子

鄭公懷水蘩飄然逸羣翼北郭五十春問名人不識蓉江淨無塵結
茅來棲息新婦執炊爨子第代隸力隣曲多素心日夕攜筇屐共勉
邱壑志天不慕鼎食村夫亦何知久能化其德家家呼先生欣欣各
自得而我願執鞭溯洄從江北對酒談古昔溟渤浩無極信宿有餘
意疊疊無倦色好鳥鳴庭樹燦燦被繡臆寂寥非所甘幸不誤棲棘

贈鄭友梅

張氏有奇氣堂堂世所寡緬維陪先公南州共銷夏銜盃駟雄辯染

翰恣揮灑悲吃時擊壺壯志何磊訶謂言家有子爽爽克負荷君當
 一會面庶幾如見我人事倏變嬾流光若水瀉豈知十年間高袂始
 得把談讌興疇昔依依促前坐眉宇如舊諳通識不懼保寂寞玉城
 祠乃在蓉山下古木無雨露空庭寒烟鎖感歎思先業母教後人情

贈張煖玉

李子松桂姿歲晏保青青結交在弱冠伊來遂忘形蕭寺曾照雪山
 屋共拾螢氣同鍼磁感行視鷓鴣並時月阻盍簪使我心不寧相逢
 則歡笑幽討不知真此意久愈篤鬢髮兩星星賀君得高隣晚契如
 蘭馨風流動江關郵筒不暫停瓊尺巧裁雲銛峯新發劍往往傳秀
 句鏗然病耳醒非為貴小枝素期愜性靈長吟以永夕朗抱月滿庭

贈李楊厓

夢初舊熱名雄詞奔峽波杜曲去尺五碧落仙人多貴遊爭傾蓋名
 場醉綺羅愴恨策叩扉華屋變山阿長揖謝蠶塵歸和漁樵歌問是
 歌者誰子真與志和苔溪春水綠谷口暮山莪渴飲浪婆酒獨速舞
 青簔久去忘人世歲月爛斧柯我欲友其人扁舟數相過發篋讀新
 詩脫然辭沉疴豪氣猶未除素志惜蹉跎秉道邁前修命如唐臯何

贈金夢初

北山集 自癸酉至丁亥

次素山李令公應辰新居三十首 癸酉夏余自楊根移居于漢城北山下毓祥宮傍時

素山李文亦移居楓溪示新居雜絕三十首余依韻和之

十載江湖驚夢空向來志事愧桑蓬如何晚作騎驢客誤了鷓溪一
 釣翁

瘦骨元宜丈室容
更無文史足三冬
一方古硯殘書葉
藏弄隨身護十重

隨處青山對北窗
移來全不費
擡扛門前一線羊
裘徑曲巷西通
渡小杠

小鬟赴市每回遲
米闕魚喧謾朵頤
日夕山廚惟買菜
先生彈鋏亦何為

列曜參差近紫微
玲瓏朱網靄雲飛
蕭然茅屋依墻住
誰信終南已息機

林泉無處不宜渠
無俗軒傍置小廬
為是先人酬唱地
依然石室舊隣居

閒居經濟儘堪娛
剪韭披葱嫁洛蘇
城裏梅靈時節早
玉高粱熟顆

明珠

整頓菘葵一稜畦
篋麻紅蓼與墻齊
兒童也喜鄉園趣
恰似新豐放犬鷄

千章佳木蔭書齋
雨裏無人草上階
莫道披帷名士在
索居蕭颯不成懷

林園賸得百弓恢
葱蒨迤連景武臺
向晚鶯歌清宛轉
應偷新譜後庭來

文會池堂似隔晨
寥寥幾歲一牀塵
賞奇析義餘生足
同閑今多素志人

冉冉銅鉦掛火雲
矮簷當畫熱如焚
霎時驟雨煩襟滌
屋漏何傷鄭廣文

雲叢集

寺

卷二

廿四

桃花洞口接仙源萬點春來落水痕 聖代元無逃世客尋常祇作

賣花村 余家後有桃花洞 居人種桃為業

高柳蟬聲夏亦寒談風吟露夕陽欄滿城滾滾緇塵裏地位超然占

淨乾

祠官本是職清閒去住猶愁不自關欵段借來無棧豆乘涼權放菜

花間 余時官景 慕宮令

肩反骨昂範少年汝南自古記先賢典型雖邈風流在絃誦家家夜

未眠 野乘云農洲兩先生每出門肩反骨昂壯洞人 士多效之今里中多讀書聲並前輩遺風也

謾與詩篇混俗謠硯朱點碧試題標夢中時得池塘句韻事先尋慈

壽橋 學海從兄時 住慈壽橋

鷓鴣自足一枝巢擺落胷中兩戰交常苦家人痴駭甚更將米卜祝

佳文 巖表錄有鷓鴣卜米卜牛骨卜 之俗吾東女巫亦以米卜之

百事無成到二毛齊門何用客等操近來却有澆花癖搢搢猶甘抱

甕勞

毓祥宮井已沉痾灌似醍醐不厭多聊試故人松茗菊傾來七椀到

無何 徐嗣堂通松香菊茶 一已謂宜滌暑止渴

半畦蘆葍早生芽挑取先分賣酒家却怪番風催序急枝間再見月

臨花

雨餘新月鑿帷煌半壁顏垣恰受光荇藻滿庭人跡少秋聲館裏隱

茅堂

客子新來面面生北山猶自歎風情石兄井弟休相怪除是楊州捲

地行

九衢鍾罷市燈熒寥落天河見數星唧唧蟲聲何處起預將秋信報
丁寧

時雨時暘協庶徵堯年幸際屢豐承市兒不識田家苦謾學衢謠處
處興

梁稻區區笑鴈謀信天翁也本無愁篋中合有朝衣典爲問隣壚酒
熟不

翠梧特立影千尋蕭灑墻頭半卧陰老去全含琴意思冷然風雨作
龍吟

洗心臺下板橋南菴畫清溪一小庵箇裏莊嚴詩佛在辦香敬爲素
山參

林蛙閣閣雨先占風欲來時松拂髯片刻空濛南嶽樹拖過溪北不

同沾

大雅卷容葵護成和羹又見適酸鹹數回細嚼香生頰充得枯腸可
救饒

與元春汀世洵步出洗釵亭登城樓作

洞天新霽破藍青處處穹林設幔亭挾道飛泉常作雨懸崖危堞可
捫星翻驚夏序行將晚差喜塵囂漸遠聽猿鶴故園依舊在文移休

送北山靈

余與元兄今年俱
移住京城故云

雨中詠懷次老杜自京赴奉先縣五十韻

鷓鴣分易足維鳩性何拙生少賦險釁憂傷徒契契學淺識窳啓才
短意疎闊四十有衰容鬚白齒更豁未窺朱門裏焉知炙手熱根比
幽谷蘭無人自芳烈通籍踰涯分一宿玉堂月豈是庇民才便與畎

卧訣僑居窮轉甚單食屢告缺誰能貧而樂不為慾所奪掩帷課兒
 讀蕭然若巖穴所知皆長者搜討瀉溟渤辛勤矯余枉不敢學干謁
 釜中塵埃滿門前蓬蒿没况乃天久雨浸淫遂無節流潦浩縱橫行
 旅亦斷絕溝瀆盡衝决陵谷咸崩裂兩湖災尤甚詎緩齊棠發植穉
 俱靡爛黍稌實豈結妖稜射微垣蒙氣鎖截窠長夏過昏衢義輪走
 空滑誓欲驅氛霧力孱愁憂憂束薪與升米騰躍喧膠轕胥矣紋繡
 壁哀此被短褐 聖主宵旰憂恩綸無時出忍令獨勞上匪才慚補
 闕下民愚且蒙苟謀朝夕活飽煖方無怨豈識化中物所以朽索戒
 思之常凜慄嗟嗟枯項士長嘯憂漆室夜雨藩垣圻中堂露醜質開
 戶曠四望婦女屏縮瑟家有林檎樹可比江淮橋隣兒對面偷老樹
 餘骸骨幼子跟踉叫騷擾廢城述故人官倉曹指徐綱堂斗米救涸轍念

子亦貧窶窮年恒兀兀得錢即沽酒招邀以蘭折屋漏如七星四壁
 聲窻窄顏色猶常好長歌彌激越聲滿吟商頌調高和郢雪此樂知
 者少庶以忘飢渴今聞陰雨備嚴警防海卒昇平畏見兵巷議紛闐
 咽固知廟筭定無煩答筭折漕滄蓄積空何以備倉猝曠悍匪力服
 所貴先謀伐疇能却勤師談笑鎮樓眉慨然思古人歎息意未卒狂
 號言無倫太史不足擬

與金僚九鉉對直玉堂共賦示韓致綏

致綏名章錫方帶騎省郎

福地娵嬛擁百城蕭然襍被兩書生炎風乍止三時接瑞日欣瞻
 八彩明騎省秋來空有賦廣文官冷若為情清朝簪筆慚無補且醉

銀盃頌太平

玉堂有柳賜銀盃

代人賀六十一歲長筵

壽域烟花老此生朱顏綠髮眼偏明兒賢早有傳家樂村僻誰爭避
世名蓮葉千秋龜養息黃花九月鴈流聲昔時隣曲今衰病安得長
筵話舊情

重陽陪玉垂

趙文冕

素山綱堂寶山

尹象

會于太古亭

白戰紛紛奪錦袍

是日設庭試于春臺

閒人應少此登臯池邊歲積楓人老古

木霜清鴈婚豪名士得官黃葉冷宗臣留躅碧山高寒花無語垂垂

發記否當年相憶勞

綱堂出宰永春寶山出宰恩洋將有契闕之若

送李亨大歸湖南

落木蕭蕭客枕驚登臨今日送君行吟邊黃葉停幽逕宿處寒砧入
暮城旅飯已曾甘澹簿書函幾伴閱陰晴鯉庭趨侍誰能挽愁聽南
鴻送侶聲

李和汝下第歸三和賦詩贈之兼呈江西使君

客路寒生白苧袍那堪分手上亭臯觀濠已許同心樂渡灞誰能作
意豪野徑有霜鷄店暮海天如水鴈程高鶴城仙吏如相問為報秋
來入夢勞

十月初一日會賦素山室海西詩人吳眉樵亦在焉

雙鬢蕭蕭颯欲秋小春時節作東遊黃花滿地尋常醉青眼論交第
一流怕冷蟲坯還自護書空鴈字豈常留高吟不問霜畦穫文士原
疎百口謀

李素山學士李東渚孝廉吳眉樵進士來訪共賦

悠悠簪笏尚爭名至竟如何度此生北社風流三足上故山耕稼一
無成倦鷄睨柵寒烟合乾鵲敲函夕照明相對惟堪傳勝事隣壚酒

熟似烏程

次素山韻寄呈永春徐嗣堂使君

峽棧連雲小白西秋風征馬困霜蹄漁梁水落鷓鷯喚古木天寒鷓
鴒啼避世誰知兼吏隱讀書無妨作巖棲舊時蠟屐東遊遍拂蘚須
看石面題

與東村諸益遊宋洞李硯史新買之宅即尤翁舊基也

畧約城東路轉窳忽聞笑語落樵風書聲鎮日山光碧壁立千秋石
面紅亭後石壁題曾未壁
立四字尤翁筆也已許誅茅依朱宅未須飲水歎顏空閒居
事業堪怡性時到門前種樹翁

夜與東渚眉樵會于素山室共賦

浮沉陸海在流中相聚還應氣味同盡送五窮餘我拙靜聞三籟信

君聰人清小屋琴書好木落疎籬笑語通嫁娶安閒生事足世間誰
是王無功

對床良夜少如今擊節新詩許賞音兩裏看山雙屐返燈前評史一
樽淡功名未易如撥手文字從來亦累心醉倒重陽纔幾日故人一
去隔雲岑

虛幻禪定悟真如此是維摩丈室居處世渾無開口事傳家猶有等
身書倘聞佳釀宜求職每想名山欲結廬籬下黃花人共瘦可能抖
擻立霜餘

忘形不覺我為誰靜看鬚眉子亦奇詩思入神行灞岸洞天有分夢
仇池村溪遠犬依宵永秋暖鷓鷯赴節遲風雨祇應殘葉掃飄搖無
恙鵲巢枝

翌日夜又會

林杪霜落霽天高新月似眉風似刀心事秋冬常惻惻故人南北况
勞勞堂前聽雨成追憶篇上凌雲惜未遭百罰不辭金谷酒謾將詩
思較爭毫

笠後翩翩興欲飛滿天風雨不關扉吳中高士星光近柱下真人宦
跡微溪榭清緣三夜卜海山秀色萬重圍遙看葭露中洲白怡悵伊
人更賦歸

一夜秋聲兩鬢霜身非草木閱炎涼眼前惟有盃中物去後曾無席
上香堪笑凶蠅負暄出遙憐海鶴入雲翔萬家喧息催詩令何苦閒
人更做忙

滿庭黃葉不修垣苔徑參差見狡痕高卧無妨風捲屋乍暄正為兩
鬢盆昏鷄鳴處思賢切穴鼠拱來識禮尊明日送將須記取青楓橋
畔是銷魂

水壺秋月照空潭四海神交一席參苒苒年光衰菊寄沉沉夜氣老
槐涵霜鍾碧落浮寒郭星醮青詞逗遠庵却喜西隣老詩伯驪珠箇
箇手中揆

驛使東來尺素憑故人官府擁蒼藤山陰無事綳簾下江色宜詩匹
練澄楓社舊遊頻夜夢溫城吊古幾回登習池日日風流足酒國何
煩費結繩

右懷綱堂

乙亥人日李郎元契來見有詩次示其韻

小屋新春至金花勝裏開月憐蘇婦語人似鄭公來巷僻猶穿雪山
寒未放梅歲華添兩鬢顧影且銜盃

初春訪李硯史于宋洞

李春沼吳李菊史觀吳洪秋居鍾禹來會共賦

宋子遺堂倚碧山
茅茨蕭灑出塵間
循階流水自鳴佩
繞壁崇岡若設關
洞裏烟霞今作主
樽前談笑幾開顏
春來恐負看花約
君向銅龍趁曉班

春沼時帶桂坊卿

拜大院君子揚州直洞出惠化門望三角山復次前韻

自有名都有此山
揚州秀色入雲間
千官劍佩趁瓊闕
萬馬旌旗擁鐵關
猶看烟霏留淑氣
幾經風雨洗孱顏
文明一代斯為盛
鵲嶺鰲岑不敢班

還至中路復疊前韻

落日荒荒倚遠山
平沙一道野田間
北來玉帛三千里
西望金湯百二關
撲地人烟遙極目
滿天風雪忽醒顏
此行非為尋安道
興盡清

溪倦馬班

還宿宋洞與諸益共賦春雪

薄寒乍觸不成圓
近者如塵遠似烟
意態輕盈難着脚
銷凝頃刻豈由天
安妃羅襪歸波上
飛鷺花裙繡唾前
浮世良緣儘無定
且留鴻爪賞新年

翌日登宋洞後麓觀林園水石之勝

山頂有射臺

佳木欣欣長過臺
棘籬護圃徑微開
初平石老羣羊卧
射的山濼白鶴來
癯杖有時聽水去
小車準擬看花回
閒攜子侄巡桑果
逸少風流可引盃

丹農李建初遠寄一詩次韻和之

不見李生久書來
病欲忘骨憐山石
瘦墨帶澗花香
羨遂林樊志愧

無竹帛芳窅然魂自往如在寤歌傍

暮春登毓祥宮後園與素山玉居繡山沈春樵共賦

輦路芳菲接上林冷泉亭子畫簾深百年樹老猶含澤一日天晴足
賞心脾困頻思茶醒睡坐安不妨席移陰君非玄觀看花客頭白相
逢惜屈沉

次韻和韓致綏文學玉流賞花

玉流泉在禁苑
花辰最宜遊賞

小雨輕風作意晴上林佳處聽鶯聲久推雅望承華客誰訪幽期北
郭生日永銅樓披蕊簡春淡玉淑坐香城菲才難屬清塵後佳什聯
翩賦大明

遊絲裊裊漾新晴玉潤朝來響屐聲拂帽香過紅雨落流觴水滿紫
烟生謾說勝賞遊湖右

社年致綏視學湖
南遊歷諸勝而歸

誰識名區在禁城多謝銅

龍諸學士一春歌詠答休明

四月初二日雨中會尹玉居東觀宅共賦

紫橋新雨小簾風閒坐君如賣卜翁永日讐書知增課一春覓句苦
無功湫喧已遠朱桁外經濟猶存小屋中樽酒留人僮僕喜先生應
也不愁窮

風彩蕭條瓦滿車鬢毛祇得潘郎如貧猶志氣羞求飽老去經綸悔
信書硯磊酒曾無冷熱闌珊花意有乘除門前小市清於水巖穴何
須遠結廬

草色綠連裙子腰名園幾處紫駟驕暖風淡巷添榆莢微雨空階長
藥苗終古文章皆有激遣閒談笑盡無聊明朝酒醒渾陳迹世事依
稀付鹿蕉

逝欲攜君入醉鄉齊諧休怪語荒唐
亡羊幾作楊朱泣歌鳳元非楚士狂
空有尋山雙齒屐曾無遺子百株桑
悠然盡日終南色不待成言意已忘

素山玉居來訪與道軒

大妙

李

共賦

乙亥暮春

溪樓日夕喜筵然春色隨人錦水邊
玩愒終看磨世墨浮沉故坐買山錢
應時階草衝泥出惜別庭花抱蕊懸
榻外軒聲君莫問盤鷄堪樂甕中天

霖雨兼旬長瓦松喜聞布穀在西峯
日遶迷海三千劫花瘦番風十八封
峽郡故人雙鬢遠禁城春事萬家濃
妙年書劔嗟蛇甚誰識雲間有士龍

浩蕩詩愁不可涯小簾風定墨生華
難如海馬填街木細入衙蜂課

採花坐見西山頻拄笏行逢窮道幾回車
老夫祇為消閒計更笑兒童學畫鴉

右詩愁

兩餘特地作輕寒詩膽無聊借酒頑
試字晴窗臨碼眼留賓午榻啜龍團
瘦來甚似逢人顆老去幾歌從子盤
春事向闌君始到賞心缺界儘兼難

澹蕩春雲覆禁城酒樓處處拂簾旌
幾多海內曾投紆愧向塵間晚縛纓
文字關心為累重衣巾隨節覺身輕
若須婚嫁人人畢恐教名山笑子平

玉居錦田來訪與道軒共賦

詩筇晚渡紫橋溪昨夜廉纖草色齊
洞裏浮花川上下樓前飛幔巷東西
心猶惜紙蠅書細夢未忘機蟻穴迷
安得人生如汝樂坐聽快

活樹間啼

活樹間啼

林溪尹公定鉉追輓

健陵威際育髦英
館閣羣材締繡明
當世磊落文苑手
鉅公獨推碩齋名
去聖未遠承庭訓
天畀我公誠不輕
早歲器宇出流俗
亭亭華岳全天晶
儒源瀕洞淹百氏
上窺灑壘速兩京
枕藉圖書忘飢渴
鑑別鍾鼎懸玉衡
不薄今人尤愛古
風流篤厚心靡爭
微公誰能鳴國威
大雅舂容奏韶韻
片楮遺墨藏為寶
紛紛摹畫屬後生
晚進早退匪高蹈
口絕名利淡戒盈
傳家忠孝與清白
付與哲嗣勝滿籛
邇來宸衷逾華袞
藝林宿德推宗盟
天不憖遺嗟何意
龍亡虎逝砥柱頽
聖代典型惟公在
百年誰見汝莪菁
我纔及門公棄我
匪為哭私淚自橫

四月九日與素山道軒玉居共賦東黎

任百宅李楊厓

金滄江澤榮亦會焉

支離消暑苦無能
午榻涼颺睡魯騰
韻事便蕃花九錫
宦情竊絆酒三升
殘編誰耐蟲魚註
健筆已推鸚鵡凌
雅抱知君同仲舉
客來不掃席塵凝

親知把臂摠經年
涼帽輕衫浴佛天
曾共詠詩牛渚月
誰將馳驛北山烟
方塘雨足蛙成市
小圃風微樹欲眠
幾日來禽花下約
空留殘蕊到吟邊

東黎約飲於來禽花下
數日風雨花已衰謝矣

剪燭幽軒笑語遲
瓶笙時聽煎茶旗
生緣隨分如忘屨
世味籠人易染絲
蕉葉漸舒堪灑墨
海棠初發恨無詩
江村麥候河豚上
今日逢君倍我思

指楊厓也

雲

詩

卷之二

四

中宮殿午帖

軒輝玲瓏淑氣清
天中佳序百休迎
祿延九子香粽結
節表雙條絲縷明
徽範承歡長樂殿
祥暉舒轉化人城
鞠衣朝日公宮返
應喜三盆繭事成

雲起洞遇雨還會素山宅

林雨驅人到小庭
榴花紅落菜畦青
客歸山徑禽相樂
泉冽隣壚酒有靈
詩境還從家裏在
洞天恍若夢中經
行藏無定元如是
上有蒼蒼一任聽

嘲道軒李兄下第

霜蹄一蹶意何如
歸計林園賦遂初
舉世爭工齊客瑟
笑君謾說郢人書
壺觴錯落燈花亂
談笑淋漓雨脚疎
又近槐黃秋一度
西風回

首興猶餘

爭利爭名誤此生
便除一醉更無成
憐君多病沈郎瘦
為子數來劉尹輕
筆勢尚看燈下健
詩聲便覺雨中清
紅塵久客非君意
應戀良宵對榻情

是月十五日諸益來問余病在座者七人

梅霑苦與病淹留
把臂相看眉散憂
人事常如星落落
世情都付水悠悠
百盃淡罰追金谷
七子高名繼雪樓
須識團團今夜月
纔虧些子減風流

後數日病起約尹玉居共登北山之頂
巡城訪朱洞李硯史
東村諸益亦登城相迎共賦

巡堞吾行儘出奇
病餘忽起故人思
穿林蠟屐危顛涉
帶雨涼巾墊

亦宜遙看白雲留住處相逢青眼笑迎時茲遊非是追康樂莫使稽
山錯見疑

七月五日登七星庵會者六人皆綱堂友也酒半皆思綱堂
因想去年秋與綱堂共遊于此今綱堂作宰于永春山中親
民事校簿書流汗終日未必如吾輩之脫灑而乃為五斗所
縻使山中猿鶴共怨蕙帳之空是可歎也於是各賦一律以

寫渭樹江雲之懷

此是第
一集

思君不見峽雲長新月遙懸想霽光束帶應憐松架壑傳籌回憶菊
斟觴半生纔得淮陽簿一曲誰爭鏡水涼共歎竹林成少一蠻牋寄
與墨華香

初六日諸公會于弊廬尹繡山追會第二集

追涼設費試筇回羨喜林間北牖開禪病誰存居士室詩逋將避報
王臺茗香繞榻烟如粥炎火燒空雲欲灰明日洗車知有驗山頭時
聽響輕雷

初七日會于仁洞梅花室

顏樵相
公別業第三集

庭樹涼輝飲酒初紅塵有此賦山居階邊大小空青府壁上縱橫金
碧書鵝火裁流梧葉落鵲橋新漲雨聲疎明時方着調羹手灑上何
年可退漁

初八日會玉居宅第四集

懶如退院拋粧奩量似飲河易屬饜一蕢工夫看蟻垤百花精氣入
蜂甜詩要趁韻秦關險心慣居貧魏俗織近日君家河朔飲醴齊應
為穆生添

余不飲玉居為
設甘香酒甚美

初九日素山宅第五集

到處忘形境與俱不妨喚作吟癡符蓬蒿滿地當修竹瓠葉翻風勝
碧梧薄俸鶴分常患寡清談蟬共未為孤尚然物外神情寄案上長
看五嶽圖

狂吟消夏匪求名寸長何須甲乙爭屬思每從三上得騁才亦好八
文成炎涼不覺毫端變月露時看分外呈軀大牛腰堪一笑豈如安
坐且忘情

十載騎驢馬跡隨軟塵如粉雪盈頭買山無計徒言爾涉世能工豈
學為韻事連宵醫性懶微醺當熱覺醒遲蒼苔滿徑因蕪綠正是先
生下講帷

七月十四日閔杓庭

台鎬

觀察邀飲天然亭賞荷花北村詩

友會者二十餘人

水面涼開錦洞天紅粧簇立畫樓邊捧心愁絕前宵雨隔帳魂還別
淑烟鎮日行廚林下闌千家危堞境中連東都地主風流足第一看
花記此年

勝遊政似習家池休笑山公上馬遲全省簿書多暇日滿堂簫鼓樂
明時秋心靜入吟蟬葉夜氣虛生繞鵲枝寄語荷花今莫恨風清月
曉有人知

送朴梧西周陽學士充奏請使書狀赴燕

梧西學士瀛洲客手擎珠樹銅樓前八月遼河隨玉節星象已動牛
女躔行路靡靡家日遠詩情冷瘦滴秋鮮歸捧珉蘭達玉陛歡聲
協氣環海邊賀君始遂桑蓬志編紵幾得交時賢

七月二十六日夜直騎省李鶴汝金秀卿以桂坊官出佐郎署俱在近曹賦呈三絕求和

傳漏初稀夜轉遙雨餘秋氣欲蕭蕭五更忽作江鄉夢不記吾官是馬曹

桂坊羣彥集郎署淨似荷花出泥淤可笑西隣阮步兵為官酒國渾無與

騎省秋懷無古今安仁霜鬢日侵尋詩成曉壁誰當語為答蟲聲強一吟

素山李丈除長湍府使夜與社中諸益進賀索飲賦詩

銅章墨綬暎林臯不復東山任卧高韻事前冬曾賞雪秋聲今夜已聞濤元來薄宦非棲鳳祇是殊恩若戴鰲響答詩筒庭訟盡微君誰

許一時豪

八月旬日充照訖講試官入正祿廳無一人應講者謾吟二

首

儼然烏帽獨升廳槐市無人售古經館吏閒眠師倚席駝山秀色入簾青

賢才不試儘名流屈首咿唔亦足羞縱是具文猶愛禮青衿不見思悠悠

中秋夜會素山宅賞月

纔分符竹已憂民不及詩場却任真徐穉為賓齋設榻座有徐氏史雲作宰甌生塵從今北社風流減何處明年月色新試聽木鷄歌一

曲鼎茵他日倍思親長湍五冠山下昔有孝子養親作木鷄歌傳

送年貢使書狀文藕尹致明校理

閉戶寤經四十春坡山高處碧嶙峋相逢應怪烟霞氣須道明時制

策人文藕家在坡山下網堂詩坡山竟夜碧蓋重其人也下二句用粟谷先生僕使事

漢朱源流博約分謾趨時好說紛紛先生定有公心眼那箇維摩不

二門

鳳城鐵騎下東溝淨掃潢池息鼓桴借問如何經遠畧展邊措畫尚

多虞時鳳城將軍頌兵勦响匪仍橋江邊巢穴而覆之尚留屯水溝欲因兵威攻服婆羅江籍外之民而郡縣其地或有橫火之處

云故

青山無數送君還纔度遼陽不見山萬點寒鴉秋色遠行人獨自越

河關

佳菊衰蘭已後時旅愁無限雪垂垂行吟馬上知多少好事誰編感

舊詩

題李甯齋廷昌行臺詩鈔

妙悟玲瓏境外求眼中不見杜皇州解詩千古遼陽鶴思入孤雲一

段秋

石嶺寒風似舊時啓禎殘話旅燈垂尋常吟弄闌忠孝又見箕邦麥

穗詩

大殿延祥詩丙子

殿角宮堯斗柄東青陽喜氣布神功揚徽瑤牒稱宸孝候物雲臺

占歲豐畫獸宮樽含淑景鳴翁苑柳帶條風欲知聖代崇經意元

會先延戴侍中

寒食差祭自綏陵還與玉居韋堂共賦

寒食 九陵道車馬集蕭晨 九陵多佳氣象設儼如新佳城繞其
外濟濟列臣隣遠暮日不給磐棻基千春藹然松柏間彷彿見精神
泉臺無今古風俗尚應淳

三月四日會于尹巴江秉鼎宅

洪聽水在鼎俞白渠萬
柱徐桐堂趙東苞共賦

雜還春愁自一叢君來驅去足稱雄三年不見鬚眉改四座無言氣
味同墨水那堪攜手飲東苞白渠
俱屈會園雪山應復送人空巴江新自
東藩遞來滿州
仙吏應多暇誰與論詩到夕窳

八日夜會于巴江宅

李素山中洲陵觀朝俞芳居
鎮一李韋堂近憲來會共賦

東風十日雨斜斜早認君家柳色遮有酒耐看今夜月懷人欲發去
年花謀身未及隨陽鴈憂國惟同咒歲鴉遊宦元多竊旅苦明朝寒
食又離家

四月九日會于聽水宅

外鎮庵洪壽徐秋堂相
兩網堂玉居亦來會

萬竿燈火日西沉浴佛天晴草色濃泉潔茗香來顧渚人閒簾影似
山陰小車幾負花間約如意空憐酒後心一棹明朝 恩暇許清江
好逐掠波禽

十七日乘舟到歸川作

出城便覺百憂平慙愧塵纓照水清細路緣田芳草暗峭帆受日遠
峯明故山耕讀還無賴半世浮沉豈為名湖上啼禽相識否慙慙不
欲放吾行

廿五日泛舟石湖亭下和丁研園芸堂兄弟

招邀一棹鏡中還把臂曾經歲月間幾度夢尋紅蕸徑却來身在白
雲灣遙憐倦鳥知時返更惜孤舟盡日閒讀罷瑤函人不見丁丁伐

木響空山

泛舟翌日研園投詩相贈

野艇乘波香往還名亭興廢百年間草深倦特遲歸巷春早游魚不上灣棋酒奚徒三事劣江湖有此兩人閑原來邱壑曾中物何用金錢買碧山

研園詩有擬向沃州買碧山之句

五月十日與尹玉居任東黎金華因金葯軒南霞山廷哲黃

晚堂共賦

且醉何妨趁暮歸林凶正喜雨霏微青山當案齊眉舉黃鳥親人感
顙飛休恨丹砂功未就元無白眼世相違笑着廿七盤中菜貧似庾
郎君莫譏

五月二十日聞宋洞櫻桃正熟與尹玉居復作巡城之行攜

沈雲稼琦澤共訪硯史東村諸益亦來會

蠟夜年年有此行君家櫻熟我期程路窮乍喜先聞水村僻還疑不
在城蜂課經春猶役役鶯聲垂老直平平脫巾獨向松陰坐有客聽
琴非世情

二十四日朴鳳湖齋應率愛直桂坊投示一律余方持被玉

署以玉署故事和之

銀盃

爾宗壬申宣醜玉堂因下銀盃

孟錫御製銘十六字以賜之

磁硯一正崇甲辰賜大磁硯鎮清

司九節菖蒲石上垂

玉堂有石菖蒲二本不知自何始外入移種或偷去則魃枯其家必有災害遠置館中則陳茂

如故至今韶覆夜眠恩荷重

中叔舟直集賢殿連夜讀書以覆之集賢殿

今之玉鶯催晨講步嫌遲

玉堂雜聯有展鶯催講殘編祇可消長夏

衰髮還慙遇盛時兩地均叨稽古職

幸英采甲申上謂世孫曰昔祖

榮云今日所蒙稽古之力於子則玉堂是稽古也於汝則春坊是稽古也于既臨此汝亦歷見春坊也

聖工日就近

臣知

春坊直中奉寄龍岡守韓致綏

此下序在海西持斧集下

王事民憂各有關盈盈一水在中間臨風却羨西來鴈領取烏山秋

色還余休海西之行安岳非龍岡只隔一水各有公事不得越界相尋後致綏寄書道悵悵之意

宦迹相尋若有緣如何不得共衾眠燈青火冷春坊夜獨賦秋懷又

一年致綏自玉堂為騎省郎轉拜文學余每尋其後而不得同在一署中戊秋致綏直騎省余直玉堂贈致綏詩有云騎省秋來應

有賦反至乙亥秋余直騎省致綏直春坊謂余曰今可復用騎省句矣今余以文學符被春坊而致綏出宰黃龍天涯歲暮之思照然

東宮春帖子抄啓韻 七律

條風初拂漏聲長春到銅闌百祿昌序泰三陽延景命堂臨繼照啓
休光氛祲遙視周王制星海重輝漢樂章帖子規箴新式降宮臣應
効股肱良

敬次可笑吟 丁丑孟春

先祖文毅公第三子海隱公隱居海州之麋鹿村不屑仕

宦以道自樂作可笑吟以見志伯氏頤真公及交遊諸賢

多知之允植往年按事海州過公遺墟想見其高風丁丑

春宗人晉圭來訪即海隱公之後也時栗谷集在牀頭因

披讀可笑吟有感而敬次之

可笑又可笑笑我謀身拙既無祝鮀佞又乏鄭虔絕惟知敬者德不

辭跪結機優遊值明時偶然遂釋褐低首遵時途依樣畫沒骨陸

無所為懷祿苟求活况逢堯湯憂一身不暇恤可笑又可笑笑我志

卑劣永念前修迹卓犖秉奇節居窮意彌厲惜陰不自逸立德與立

功不墮侈談說偉哉文貞業存心愛民物砥柱立頽波手握救世訣

體國當如是焉能事容悅可笑又可笑笑我厭塵聒出則隨簪組入
 則掩圭華所識窮乏者望我還自失驅車向綺陌感感心常栗素性
 不可回謂我膠柱瑟哀哉耗下土國計無終月流巧盡道路烏面衣
 百結民憂固難弭海氛况不輟歎息元龜亡謀猷誰將設往年巡海
 堧暫食首陽蕨族祖有遺廬瞻望懷感發隱居廢中權高卧袁安雪
 宵次無纖埃太虛以為室發言遂成章風旨托澁切此樂知者少身
 窮道不屈緬想唐虞際賢聖相吁唏清士猶守志恥埋榮利汨所貴
 全吾性豈患身名滅歎息元龜亡指
 獻齋先生也

三月三日與社中諸益會于梅花室

碧梧翠竹長過樓消夏名園記昔遊永日看山空翠積百花如海盡
 欄浮引觴此日蘭亭帖垂釣何年穎上舟靜裏不知春似許謾將詩

境閉門求

翌日直玉堂與李東蓮校理洪雲書說書共賦

遊絲裊裊漾晴空青瑣深嚴豹直同愧我論思叅通職知君正始有
 道風殘書盡日親黃嬾微雨前宵過社公相業明時堪做得春來咬
 菜不言窮

剪燭西窗帽影裁禁局無事喜相過娟娟春日梅魂返陣陣林風馬
 信多排句未成如轉石警書難盡似窮河眼看麗景恩恩去為報東
 皇稅魯戈

夜色沉陰象闕裁曼聲報漏逐風過宦閒有分看花足春困無端得
 夢多寬大 恩言沾草木文明休瑞直星河腐儒逢際堪誇後到老
 昇平不見戈

三月九日 大駕詣毓祥宮展拜余時下直在家與隣人覲
耿光于道傍恭識

鑾輿擁出九霄重三月烟花萬戶濃仙仗雲移開雉尾御廚日午進
駝峯夾城喜氣生宮柳滿苑祥輝繞桐松蹕路恐妨瞻望美侍臣自
得步從容

三月十二日與初三日梅花室詩伴復會于七松亭漢山尚
書進入主人趙老亦與焉

萬家垂柳畫明時風便笙簫度曲遶花下逢迎無傲骨松根箕踞盡
厖眉酒腸太狹提壺笑春事將闌布穀知名勝主人元不俗一篇更
續倚樓詩

徐綱堂自永春上來三月二十七日與巴江玉居涇陵号居

東汕復會于七松亭

永春江水潑油清縣舍長聞杜宇聲詩似入夔添勁健政如治蜀頌
文明那知今日看花約重續前宵聽雨情丹老風流仍寂寞山陽暮
笛喚愁生

四月望日與諸益共登 毓祥宮後苑作

冷然宮樹晚風微遐舉如將世與違坐處隨陰鶯掠帽睡來支石蟻
行衣花前有酒堪微會江上無田可賦歸墻下結茅知幾歲賞心一
夕似今稀

十八日與綱堂玉居東黎蘭皋姜世丹農會于溫洞素山新
買之第

墨綬三年白髮新西民幾誦甑生塵吾鄉自古多循吏杜洞先輩多
以治郡著績

而今素山銅堂亦皆有康能解聖世如今有醉人時初地酒禁揮塵曾同蕭寺夜去年秋余留華
 藏寺素山文以地王見訪尋花已晚故園春泰蓬一月坡公少鶴影東歸玉局真

東宮端午帖二首

瑞日重明近 紫宸彩絲長命蕙蘭辰微風殿角心猶歎無限西疇
 襪橫人

梅雨初過麥候涼銅樓無事漏聲長宮臣準備書筵御萬卷新成玉
 澗粒

鄭東汕進士邀作黏飯之會

十年刺得鷓鴣名屋裏圖書擁百城置驛風流人是漢飲醇氣味我
 為程未櫻沉水詩脾冷碧麥登盤野意生苔雪扁舟何日去秋風會

作尊鱸行

會中諸人有七月湖舟東湖之約

五月十九日偕玉居蘭皋訪硯史于宋園春沿菊史秋居亦
 來會

硯几尊罍事事光風流古雅晉兼唐虛函琴引泉聲細古郭雲連草
 色長靈藥鍊精石凝液名花載譜筆生香知君向日休官意看取西

山一鶴翔

春沼新日湖邑賦歸

二十六日雨夜與玉居蘭皋會于遊史宅

積雨空庭夜色荒林風吹雨散燈芒客來攷古書千卷酒後懷人水
 一方半世無興欲遷舍今年有麥忽思鄉數三猶喜芳隣在氣味豐
 鍾應候霜

六月十日會于東黎宅共賦

偃蹇誰能折
蘭呼獨於文
酒少廉隅顏
唐座上蒼顏
在點檢平生
白眼無小屋
炎涼偏易覺
暫時醒醉豈
殊途蒼山老
友應相待月
未全虧可泛
湖

是月與蘭皋玉居約以次第拈平聲韻首會余家賦東冬韻

長夏端居世
慮空滿山蒼
翠一簾通高
吟不作桑間
曲鰥卧曾聞
柳下風銷暑
午因看泛蟻
懷人齋夜對
鏘鴻

全遊史以今夕參坐茶太廟郎自憐

瘦骨清如石
長在松聲雨
色中為結衡
茅對碧峯清
風一榻卧書
慵浮生儘覺
如蓬轉世味
何曾似酒濃
蘭丹功名憐
素志石田經
濟負明農去
年今日妙音
容雨裏猶疑
聽梵鍾

十五日會金游史龜根宅共賦

繡毬花發映
林窗滿院松
濤若枕江老
樹逸者去天
尺奇雲忽作
遠峯雙茶旗
有力能醒睡
筆陣無功每
豎降小集前
宵如夢寐五
更風雨一吟
缸

十六日會賦東黎宅

微風吹樹雨
從之正是先
生點易時窗
外見山言欲
忘宵中無事
睡常逢披蔥
已定癡僮約
落筆先驚幼
婦辭半卧松
陰通柳巷興
來穠呂不須
期

十八日會于吾廬作

爽氣西來酒
力微葦簷斜
日碧山圍懶
雲洞樹晴仍
放宿雨庭花
濕不飛廚冷
猶登三種韭
詩貧乞借百
家衣幽居恰
似鄉村僻乾
葉青烟鎖夕
扉

向夕雨至洪石汀追會共賦

山窗盡日雨絲疎
披草人來問索居
每坐漏簷思廣廈
聊將破硯代荒畬
新詩如讀清風誦
舊篋應傳黃石書
笑拍洪崖瓊島上
依稀仙枕夢遊餘

三四聯指尹姜洪友

二十六日會東黎宅

紛紛拖紫與紆朱
蕭灑何如卧酒壚
淺術未經三折臂
浮名爭似一呼盧
豈須巖穴方容隱
若透長安總是途
一樹堂前清蔭足
涼蟬來噪廢池隅

二十八日夜會于吾廬

何處清涼餘不溪
寒裳我欲洗塵泥
百年若箇蕉堅住
一醉無妨黍熟低
為納林吹開牖北
已看斗柄向簷西
夜來誰謂羣喧息
滿地蛩

吟苦未齊

又賦呈蘭玉兩友

飛龍取次步天街
二士猶看守洛涯
半世詩聲鳴落葉
十年秋色歎黃槐
村墟白酒尋常醉
水國蒼葭宛在懷
齒裏宮商惟嚼菜
閉門兀兀學長齋

翌日兩友又會賦詠史

興衰往蹟摠堪哀
幾處黃塵廢榭臺
楚國未聞能利劍
晉人無事且銜盃
俟陰一夕蜉蝣出
論價千金駿馬來
撫卷如今心尚苦
當時那得笑顏開

七月二日又會

酒後狂歌意氣新
相看蓬髮異青春
獵書未擬滑稽客
蟲註終非磊

落人經暑病軀輕似葉逢君詩膽大於身長鬚乞米何時已歎息東
方一士貧

洞裏清閒絕世氣有時筇屐自成羣莫云交道今殊古可笑英雄我
與君近日詩盟如白水晚來高興動青雲芭蕉老大無奇節夜雨猶
堪枕上聞

二十三日素山丈自長湍寄書言既望夜與客泛舟於赤壁
之下有詩十八韻以紀其事洵勝踐也次韻奉和

江光照素秋澄似匹練濯帳望同舟客喬松雲漢邀去歲遊西州相
逢吟曼批夜店停行李晨譙聞鼓角塵途隔仙區竭來霜鬢駭貽阻
百里遠心勞甫田倬鏗然讀君詩恍如聆勻樂勝遊愜佳境坡翁是
先覺忠愛發扣舷意氣凌橫槩詞賦動江關芳菲手舉擢千載如朝

暮庶幾欣相握使君宰名邑崇堂出帷幄健筆傾詞源清商動琴嶽
對月談消長至理可證確我本江海性中拋老稼學閉戶過良辰淡
巷少剝啄有時寄遐想風雨晨鷄啞烟波滿紙上想像不可貌

二十七日夜蘭臯玉居來會

是月余舟往歸
川省仲父而還

三年江國黥銷魂繫纜汀洲月映門舊日釣徒烟際語新秋稻壟漲
餘痕菱塘柳陌連斜港菰蘆花護小村惆悵鄉園歸不得宦情如
水詎敢論

歷歷銀河似淺湍滿簾風露夜闌珊夢蟲宣識全身苦促織應愁卒
歲寒靜坐六根皆廢用冥搜一字亦為難書惟近日新涼動短檠終
無棄置歎

八月八日居昌知府鶴農金文

啓鎮將還任邀金石樵

湖鎮

尹已江兩台丈及諸詩友共飲楓溪作

數家山郭隱清暉藥徑風微步綠飛歲久青溪楓癭老村溪白日馬
蹄稀幾時北社同開酒此去南州已披衣聞道玉川移住計石兄井
弟悵難違全文近頁第于
松峴將移住云

十三日夜陪從氏訪松亭遊史家時金友春木數根自丹陽

入京蘭玉兩友亦來會

慘慄如將賦遠遊涼天似水鴈南流誰家火讀歐陽夜遠郭寒砧度
信秋少日戟髯空有志看君玉貌儘無求年來懶散仍成達酒國還
容我輩不以上兩首
非次第韻

賦贈春木

鹿車何日隱丹山松桂濛濛靜掩關難見斯人塵世裏誰爭子所白

雲間竹筇試險身猶健秣卧逢秋意自閒近得神方能却老髓毛三

伐駐童顏春木去年得病渾身毛髮盡落近服神方顏眉
髮生細而黃白曬州李情兼為賦黃眉仙人歌

中秋月歌示湖右直指使者澹寧李建昌

去年八月霜墮木月色慘澹田夫嗟今年八月禾稼熟滿城見月喧
笑歌月色年年自無變世人憂樂殊所見惟有城隅寒士不世情對
月吟詩常未停凶年不能殺豐年豈能生去年有禁仍斷酒今年有
酒不到口此夜醉倒能幾人明月於吾不應咎聞道南州秋色長鴻
鴈翩翩歸故鄉閩井蕭條什無一狐兔躑躅蓬蒿沒縣吏來索租經
稅不可逋整頓生息知何日禾黍滿野無家室中秋月最難看那得
萬里同歡顏

八月晦日陪徐漢山衡浮李瑞庵寅高金石樵諸台丈會飲

于尹已江侍郎宅素山令公亦迫入會

坐對幽篁意憫然
隱囊烏帽小樓前
盤桓景入孤松外
澹蕩人來佳菊邊
酒氣滿空迷宇宙
秋光如水洗山川
羨君遊歷天磨勝
巖壑應看競秀千

夜渡罷歸訪任東黎翠堂從氏及春木遊史玉居諸友來會

共賦

秋懷日日帶圍寬
斗酒相逢強作歡
盡去皮毛非俗相
妄論經濟笑儒冠
魚龍為夜聞天籟
蟋蟀在堂知野寒
茨樹湖雲君不住
重陽黃菊共誰看

春木將歸十月陽東黎將歸鎮川故末句反之

重陽日漢山瑞巖石樵怡觀已江素山松亭主人趙菊史年

七十俱會于楓林甘泉

即七松亭

滿壑秋聲一小亭
星疎河薄遠林冥
石泉寒月澄心白
楓葉新霜半面青
筆下香糕題爛漫
風前醉帽任飄零
主人詩骨清如許
七十年來落木聽

十二日夜申洲陵奉事鄭東汕進士見訪會游史玉居蘭皋

共賦

嘗麥君家火未流
相逢剪燭已高秋
蛩吟在戶霜侵箔
鴈字橫空月滿樓
白髮無端悲騎省
黃花初發憶江州
最憐角枕成幽獨
付與莊生一破愁

洲陵近有金之悲

是夕與九日同遊諸公復會于七松亭

不忍明時賦遂初
太平烟景化中舒
荆園試壽來鳩杖
時以平復命

故者科七十以上赴試于春塘臺試期在再明

草野徵賢下鶴書

時命京外舉道送拜 楓菊

增妍佳節後壺觴多暇退公餘此亭便是逍遙谷冠冕風流盡不如

唐韋嗣立莊在驪山道遙谷中宗之所命也唐時公卿休沐之暇燕集谷中王維為之圖繪且序之有云冠冕業許弟兄元凱

翌日夜溯陵芳居東汕來會素山宅與已江游史蘭皋玉居

共賦

不惠不夷我是誰習中吐屬別無奇渾忘形累噓南郭洞徹心脾飲

上池階菊初開憐歲暮園蔬未熟喜霜遲故山猿鶴迎君笑無恙秋

風桂樹枝

素山昨日解絃故云

二十三日會松亭贈別白渠

無復清秋載酒過連宵剪燭意如何半生結識青萍老百里送人紅

樹多古篋殘編相鶴訣溪山落日騎牛歌蒼葭渺渺離愁遠欲往從

之一筆河

晦日會松亭賦餞秋一首

疎林槭葉歸根素節將還酒滿盃搖落偏為恨人感矣涼倏似世

情翻澹雲微雨流光瀉臨水登山別意存佳句吟成何處寄黃花愁

絕欲無言

十月十一日駒兒委禽于懷德朱氏之門余率以往登禮之

翌日夜與宋松石綺老宜寧宰洪秋圃鼎裕沃川宰安澹泊

榮植懷德宰宋喚醒鍾五監役及其弟草庭鍾濂春雲鍾學

共賦

萍鄉邂逅眼偏明擁鼻微吟見洛生知舊盃樽三夜洽弟兄花樹一

家盈虛堂想像緇帷闕客路欣逢皂蓋傾車牽篇中淡戀德賓鴻朝

日羽儀成同春先生讀書處扁曰同春堂尤翁筆也

翌日與諸益共訪飛來庵前有盤陀白石泉流被而下其上
有樓名玉溜閣同春先生講道之所

初地荒寒倚谷東飛來巖畔細流通枰園紅葉微霜後竹逕蒼苔返

照中老石曾聞歎逝水庵前石壁刻數遊高樓猶似坐春風緬懷族

祖童年迹杖屨陪遊此地同伯七代祖贈贊成公幼時來看外氏與

陪遊錄

夜與諸益共賦

南國詩豪惜鬢華良金箇箇見披沙自憐浪跡雲相聚欲說離懷夜
共賒梁苑詞人今並世鄭鄉禮學尚傳家仙區惆悵漁舟遠他日歸
來遍是花

翌日諸益臨行贈別次韻酬之

菊徑源源幾日開故人相送晚登臺三秋澤國蘄鴻遠十月亭臯瘦
鶴來聖世將招小山桂何時重訪漢濱梅傷離衰鬢無餘黑晚契誰
令訂異苔

朴梧西學士袖余詩藁以去半年見還並投詩索和次韻答
之

晚來學圃賤場師不見高梧有所思簪筆楚宮風有賦弓衣蠻域雪
題詩自憐瘦島吟邊苦每想髯蘇醉後儀秋卷裝成誰與寄如今海
內一人知

晦日夜金游史以太廟令入參朔享余與蘭玉兩友鼎話
待還而作

神門東畔簇金簪庭燎明光接上林未學雲壘三代器瑤函玉牒

列朝心兩年烏帽潛郎久一唱朱絃寓慕漢樸被歸來應拂曙雪中
街柳影森森

至月七日夜李素山尹已江姜蘭臯兪考居中洲陵金游史
任東黎尹玉居鄭東汕洪蘭坡及翠堂從氏會于余家與余
合十二人約歲前輪番開酌賦詩此是第一會也

白酒青燈似去年驂驛節序天離弦尺書徵會來吟社文室修真學
病禪較廿四風開半席待三五月續清緣洲陵約以十五日不須向
夜會長興庫直廬
晚愁歸路醉處無妨抵足眠

十三日仁洞蘭坡洪時宅第二會

賞梅小閣卷輕羅韻事經冬次第過有酒寒宵還苦短驚人佳句不
須多文章誰許拿雲手意態空憐斫地歌歲暮閒愁銷不盡研池日

日漲新波

十八日長興庫洲陵直廬第三會

長豐官署傍溪西人跡橋霜笠影低羨子揮毫能對客笑吾誓酒每
欺妻紅塵十載隨肥馬玄理殘宵聽小鷄葭管今朝回映律賀班歸
處五雲迷

二十日松亭游史宅賦梅花第四會

數樹依然作鄧林黃昏細月易相尋明珠一斛歌聲暝一斛珠唐開
元時樂府歌
曲翠羽雙來夢緒淡修得雪水姑射色鍊成鐵石廣平心世間尤物
誰如汝七寶粧嚴屋貯金

二十二日王井洞東黎宅第五會

良夜誰能障吾行到處詩樽把臂迎烟際孤砧村榭靜燈前微雪市

橋明興來王子寧回棹老去龐公時入城歲暮病懷知尚健梅花酒
國有新聲

二十三日帶洞裕成注書書屋翠堂從氏第六會

阮轍何須窮處回莊生秋水浩無限誰能騎鶴兼腰貫端合持螯復
把盃久坐夜於鍾後永相思人若夢中來詩情漸共梅花瘦莫向晴
窗盡意開

二十五日蘭皋借屋松亭第七會

冬天暮律屆黃鍾梅下銷寒會酒龍吟裏攢眉豈憂國病餘齟齬非
為容浮名軒冕皆烏有滿地烟霞可素封惆悵蓉山明月夜故人多
病閉門重徐綱堂病臥蓉山以不能赴會為悵故云

十二月十六日諫洞東汕宅第八會沈雲稼李菊史愈白渠

追會凡十五人

磔磔靴聲雪裏聽不其山下識門庭為官動作經年別入社應無半
日醒地近三分城月白天寒一穗屋烟青病餘詩壘旌旗變爭霸誰
能占楚萍

十六日內街玉居宅第九會

高吟刻燭夜還遙詩令分明似玉條數點燈光來巷尾五更笠影過
牆腰未能書史三餘足惟有樽醪萬古消欲與梅花開口笑冰魂清
絕不堪招

十九日圃洞素山宅第十會朴鎮庵洪壽追入

羞將汙水映清渠雨墨霞箋咳唾餘節序漸看移斗柄文明幸際聚
奎墟誰知隱霧南山豹終作搏風北海魚時尹玉居新除用是祝之

樣佳看無限菜情真韻事未全疎

戊寅正月六日在歸川賦江梅江柳二首

靚妝小立鏡中明極浦無人暗恨生澹蕩洛妃初試步慙懃驛使遠
含情絞宮月冷水綃淨漁舍烟銷玉笛橫何處不宜高尚隱劇憐臨
水濯纓清

右江梅

汀草汀花共媚春渡頭搖曳款征人飽經霜雪枯槎卧慣拂舟車細
縷新暝立依依烟鎖港曉看濯濯月橫津汗宮歌舞非前日莫向東
風垂手頻

右江柳

十六日夜玉洞巴江宅續前冬詩社第十一會徐漢山台丈
趙菊史翁追入

溪庭微雪破窗昏修竹蒼烟一抹痕春到詩樽仍舊約夜闌歌笑尚

遙村金吾曉鼓催燈市澗道餘寒似石門莫作玉川驚險語中天明

月已還魂是夜月
飲故云

溫泉徐丈廉淳氏說

我昔未識公但知網堂賢伊來數奉袂幸接君子隣家貧有好顏城
居不染塵堂前種嘉木花葉留長春樊冠出迎客爽氣衝華顛談笑
竟長晷浸濃如飲醇不謂松柏姿遽被二豎纏牀茲變素幄往躅遂
成陳我病未匍匐何異行路人卧見網堂書一字一法然謂言素志
學樞衣登函筵虛心慕古道躬耕以養親勗弟資遊學業成共食貧
嗟嗟流俗見不貴席上珍信道若未篤鮮能守其全母患名未達此
事足可傳

三月三日直春坊與桂坊朴鳳湖齊應副率申蘅齋錫游司

禦共賦

官曹清切愜幽期正始遺風子亦宜挾冊前筵登弼士壽民他日做
良醫閉門不覺三春暮處世元無一節奇此地恨君傾蓋晚英名已
自少年時

初四日偕兩友遊後苑玉流泉作

玉漱春波漾碧空籠山亭子暎花東暎花亭名欄干如夢非塵境草樹先

榮帶惠風曲水流觴三日後連漪亭前鑿石引水為流觴曲水宸章寶墨五雲中上亭

有宣廟御製詩御筆正臣心猶少文王園魚鳥欣樂意同

初五日李浣西祖洲檢書自西掖來訪會兩友共賦

西清華省近龍光柱下人逢喜欲狂文豹有時來隱霧神龜無用去
支牀雨過細草連池蘩日暎輕雲覆苑墻想得鄉園春事及卧聽布

穀謾思量

初六日偕兩友作

連夜青綾共子攜仙曹無事聽禽啼讐書耽看茶仍冷待飯常遲日
欲低彩筆題詩人甲乙畫簾垂地屋東西春愁黯黯消難得綺語休
煩效玉溪

是夜雨中又共賦一首

蕭蕭春陰晚濛濛時兩行青燈同直夜白首舊書生蔬筍知文氣齋
鹽覺宦情明時豈無戀負此故山耕

初七日復共作

岸着烏帽午睡頽時聞漏院報籌來微風扇暎禽聲碎細草生香煤
夢猜三載為官若旋磨余三年來或拜一春多病不勝盃墨蘭妙品

從君取篋裏應須備襪材

衡齊善
畫蘭

反反田家樂十首 並小序

李春沼棄官歸來不樂城市常有邱園之志戊寅春得大
瘡卧病數朔雖宛轉若楚之中聞人道鄉居勝事則病如
脫體乃作田家樂十截以示意比隣洪秋居和之尹玉居
為作反田家樂蓋為惜別戀去勉爾遁思亦友朋之至情
也余本生長江鄉偶落塵網僑居城北已數年所矣鬱悒
棲遑常有代馬池魚之想而恨無所於歸遂巡至此往日
酬友人詩有云浮沉政坐買山錢即謂此也今春沼乃能
決意入峽如白鷗之沒浩蕩顧余尚低迴塵途把筆作送
人詩辜負素心湖愧林慚祇自望塵而歎而已於是做古

人反反招隱詩為作反反田家樂十首依題和之蓋所以
自嘲亦所以自傷也

瞥瞥洋洋冉冉回銀梭潑刺綠萍開江村無限桃花候祇是玄真不
肯來 右潛溪觀魚

嫩葉青青摘滿筐山人齒裏動宮商晚菘早韭天然味祇是周生不
肯嘗 右盤山摘菜

田水泱泱四野均秧歌起處立苗新西疇春事嫌勞苦祇是陶公不
肯親 右水田移秧

榴榴黃雲擁四圍枷頭高出澗邊扉踈籬鷄犬春如畫祇是劉安不
肯歸 右尖場打麥

戴勝來時春日闌飼蠶葦箔候風乾採桑端合閉經濟祇是龐公不

肯安

右曲薄養蠶

玉室金房報兩衙春風咀嚼滿園花珍甘輸與山人供祇是劉君性嗜痴

右花園養蜂

棗徑瓜畦築圃平揮鎌如月曉霜清烹羊擊缶酬田苦祇是平通戀紱纓

右霜野刈稻

秋浪蕭蕭晚採薪晴嵐無數滴衣巾此間應有被裘客祇是延陵不識人

右雲嶽採薪

刺刺嘈嘈各為身兒童拍手啼還慎階前得食知仁術祇是為巾不耐貧

右山田驅雀

穀酥春原已欲耕歸來飲水夕陽明誰教壽祿看肥瘠祇是里奚未忘情

右草堤牧牛

東宮端午帖

午漏遲遲鶴禁束綠陰如海日方中金盃才屆菖蒲節玉質欣聞

讓棗風

四月二十二日科次入侍時上謂大臣曰東宮能知愛弟臨乳而讓之

結縷迎祥五色新
高明朱序協昌辰
齊頌純廟宮僚賀長戴仁風少海濱

十月五日俞芳居設詩局于七松亭昨冬十二會始畢

霜清木落似臨臯振策林亭作意豪小圃荒寒棘籬倒曾城寥泬
畫譙高直須痛飲輸肝肺不待悲秋變鬢毛十二詩壇圓滿足擬將詞

賦繼風騷

丹山金春木寄四言三首聊賦短篇以和之己卯三月

林園春色至遙憶丹陵客燒榛種荒畝時還對方冊山氣日以佳神

情日以通寄我長相思讀之意無數拂衣欲往從香我水雲隔

清明前夜與道軒玉居東黎共賦

城上輕陰化作雲千家楊柳翔塵紛雨餘頓覺炎涼換座上曾無主
客分欲訪名山誰共我祇愁華髮不饒君居家事業兒孫在佇看明
時締繡紋

三月二十二日鶴農金丈邀飲于七松亭素山巴江倉山

秀洲陵東渚會焉

林鳥相呼白日閒雨餘花木照堂顏數人芳草行緣湖一枕高樓卧
看山不妨枯筇侵夜去更憐皂蓋伴春還

輞川別家在松聲岳色間鶴農世居太古亭今移住松峴知君久惜

閏月上旬陪前遊諸公復飲于七松亭

琮瑋潤珮翳然林時見名亭載酒尋松老剝看千歲色春濃博得萬
家心如今倦宦休多暇從古高人隱不淡穩藉賞花兼賞雨癡雲解
事美晴陰

是月十三日夜宿少林寺

上方鍾罷月橫扉湖道無人鳥亦稀紙戶分將山色住山後有造紙
署居民以之

業為樵歌遠引水聲歸桃花不語禪心靜石氣生寒酒力微數點燈光
垂柳岸却疑身在舊漁磯

是月十五日與蘭臯玉居芳居洲陵飲于諫洞鄭東汕書屋

是日節屆立夏為之賦餞春

刻意傷春未敢言今朝把酒更登園挽回花事詩無力點檢年光鬢
有痕後會幾圓江上月離情多在柳邊村紅愁碧恨銷難得莫遣流

驚攪睡昏

四月十八日與諸公宿梅花室共賦

畫榻涼颼竹樹喧
吸茶揮麈足清言
安危身佩午橋豎
進退地優靈
壁園吟苦每猜黃
鳥聽心閒惟與白
雲論悠然忘辨西
山色此是禪
家不二門

梨雲小館館名接山庭
爽氣西來睡欲醒
村酒遠沽芳草合
仙碁自

落古松聽石奇
故遣蟲書結樹密
時看鳥羽零信宿
山房緣不淺歸

來雙袖襲嵐青

五月三日余與尹審軒升求伴直銀臺次韻和春桂坊諸益

春坊輔德金海士聲根說書李琴里景植桂坊翊贊洪韶山輔愛侍直徐右川相照也

斗酒論文不足多
承華風雅近如何
推心已許伯符契
余與海下榻

時看孺子過省裏
光陰申後永天中
節物兩餘佳自憐
籠鳥空遐想
浩蕩江湖萬里波

端陽佳序屬明都
競渡遺風想五湖
暑氣全隨微雨去
山光遙入澹
烟無優遊白髮空
思造輔弼青宮盡
碩儒如此短叟猶
不寐愛吟君欲學
堯夫

關動晨衙啓鑰初
樓臺如畫列仙居
家傳未慣青箱學
案奏曾無白
簡書細美涓埃圖
報實不過塗抹應
文虛諸公滾滾登
臺省推轂由來賴
後車承政院座次有後來者則以次推陞

煌煌啓字在中堂
六部分房各一牀
三爵傳來銀鏤戒
肅廟朝賜銀盃于政院回
環鏤刻於五心有
二曰酒散多又伐
德喪心三爵字此
跌下予訓汝欽
十行宣過紫泥香
讐書難辨蠅頭
細報漏疑聞鶴唳
長欲和芝歌酬綺
皓還歎身世異閒
忙

九月十四日夜壯洞諸公會于漢山徐台文宅選飲共賦余
將有領選之行故詩中多道別語也

夙志乘風萬里長把樽一笑鬢毛蒼殊非少壯南遊馬敢擬英豪北
學良離緒正吟楓葉冷歸期應賦柳絲黃旅亭他日相思苦燈下懸
懃閱贖章

徐綱堂挽 辛巳

綱堂天下士於今幸見之力行古人義至死不變移顏俗若可挽利
澤若可施一日不相見此意復欲哀公今成獨往千載浩無期
亭亭北山松皎皎池堂月池堂惟春草不見絳帳設舊時樞衣人獲
落頭成雪貧困屢顛躓意氣彌激烈完歸獻先師夜臺庶欣悅
暗室心中事無不可語人休休公輔量肺腑有長春由然不絕物介

然不染塵並世不知慕悠悠席上珍誰知百歲後高風如隔晨

齷齪當世士嫉賢諒無極驅驥服鹽車斥鷃棲枳棘藥草指為臍正公守

布歸矯飾輦轂謗猶沸湖山人自得身歿無衣衾聞者皆歎息正公守

阿積忤權貴棲避下邑嘗知永春縣以清儉率下身食粥妻子冬月
籍藁席民皆樂業而時人謂之稿飾直指使者承權貴意搥搥永春
事無所得誣以賦民藥草為職聞者以為
此非從職乃廉廉也元布用東漢王良事

自公之去矣吾道日益孤彼工謀身者焉能為有無平生憂世念未

忍遜江湖我獨悲其志人皆笑其迂斯人不可作天意竟何如

夜坐無寐次牧齋集韻

讀書梅樹下落花雪津津憐渠冷淡色偏似獨醒人
曉月才如鉤熒熒照清絕北風自不妨常恐雲點綴
落落山上松枝幹何蹙蹙那以歲寒心甘比閒卉木

家住北城下開門見南山厭受塵埃色磊落入雲間

人有寄梅花詩云笑渠太綽約多媚世上人余戲為梅花解

嘲

體仍踈瘦性仍寒塵外清標畫亦難最惜當年林處士月明錯比美人看

大庾嶺頭漢水湄開花本自畏人知東風謾泄春消息嫁與人間恨向誰

雪朶冰魂第一春流蘇結綺護香塵世人自是梅花愛未信梅花媚世人

續棠棣詩

並小序○丙戌至月廿三日

允生八歲壬寅遭風樹之痛兩姊一弟相依為命癸卯春

相率就依于先叔父叔父母撫育恩甚至姊弟遂與之相

忘既而二姊歸于公州三姊又將出嫁允時猶童騃不勝

睽離之苦黯然自傷每夜卧淚輒沾衾為作棠棣詩以自

慰距今四十有二年姊弟三人又喪二姊獨有三姊老病

鄉居一弟亦衰病而猶為世驅馳三年不能省姊本年至

月值三姊六十一歲初度遠莫奉觴欣悵交切遂作續棠

棣詩以寓敬祝之意

憶昔棠棣共一枝纔經風雨紛離披如今憔悴惟兩萼一南一北長

相思阿姊平生多辛苦疾病侵尋華髮滋他鄉重逢舊甲日眼前歡

樂當語誰賴有佳兒與佳婦三孫繞膝堪解頤一弟封胡今已老回

頭空憶吟絮時三年不見阿姊面山川迢遞尺書違南陸陽生回煥

律臨風奉觴遠致詞兒榮孫貴綿第祿身健應享黃髮期四十年事
如昨日拂笈更續棠棣詩

酬朴梧西侍郎贈余赴南漢之作丁亥三月

誰把詩椎破鐵關排箋一笑學偷閒生涯已付農商外來去長羈簿
牒間城下雙驍溫祚國天邊獨鳥廣陵山可能共作看花伴春水如
天一棹還

